


東垣十書

			漢書門
	一三九八		
	五九		
一七			
冊架函號類			

內閣文庫		
函	一三九八	漢書
冊	五九	
架	一七	
冊架函號類		

內閣文庫	
番號	漢 12989
冊數	11 (6)
函號	300 224



蘭室秘藏

醫書

醫學校
典籍方

蘭室秘藏卷中

頭痛論

東垣老人李果撰

金匱真言論云東風生於春病在肝俞在頸項故春
氣者病在頸又諸陽會於頭面如是太陽膀胱之脉
起於目內眥上額交巔上入絡腦還出別下項病衝
頭痛又足少陽膽之脉起於目銳眥上抵頭角病則
頭角額痛夫風從上受之風寒傷上邪從外入客於
經絡令人振寒頭痛身重惡寒治在風池風府調其
陰陽不足則補有餘則瀉汗之則愈此傷寒頭痛也

頭痛耳鳴九竅不利者腸胃之所生乃氣虛頭痛也
心煩頭痛者病在耳中過在手巨陽少陰乃濕熱頭
痛也如氣上不下頭痛癩疾者下虛上實也過在足
少陰巨陽甚則入腎寒濕頭痛也如頭半寒痛者先
取手少陽陽明後取足少陽陽明此偏頭痛也有真
頭痛者甚則腦盡痛手足寒至節死不治有厥逆頭
痛者所犯大寒內至骨髓隨者以腦為主腦逆故令
頭痛齒亦痛凡頭痛皆以風藥治之者總其大體而
言之也高顛之上惟風可到故味之薄者陰中之陽
乃自地升天者也然亦有二陰三陽之異故太陽頭
痛惡風脈浮緊川芎羌活獨活麻黃之類為主少陽

經頭痛脈弦細往來寒熱柴胡為主陽明頭痛自汗
發熱惡寒脈浮緩長實者升麻葛根石膏白芷為主
太陰頭痛必有痰體重或腹痛為痰癰其脈沉緩蒼
朮半夏南星為主少陰經頭痛三陰三陽經不流行
而足寒氣逆為寒厥其脈沉細麻黃附子細辛為主
厥陰頭項痛或吐痰沫厥冷其脈浮緩吳茱萸湯主
之血虛頭痛當歸川芎為主氣虛頭痛人參黃芪為
主氣血俱虛頭痛調中益氣湯少加川芎蔓荊子細
辛其効如神白朮半夏天麻湯治痰厥頭痛藥也青
空膏乃風濕熱頭痛藥也羌活附子湯治厥陰頭痛
藥也如濕氣在頭者以苦吐之不可執方而忘先師

嘗病頭痛發時兩頰青黃暈眩目不欲開懶言身體
沉重兀兀欲吐潔古曰此厥陰太陰合病名曰風痰
以局方玉壺丸治之更多俠路穴即愈是知方者體
也法者用也徒執體而不知用者弊體用不失可謂
上工矣

清空膏

治偏正頭痛年深不愈者善療風濕熱頭上壅損
目反腦痛不止

川芎

五錢

柴胡

七錢

黃連

炒

防風

去芦

羌活

已上各兩

炙甘草

二兩五錢

細挺子黃芩

三兩去皮對一半
酒製一炒

右為細末每服二錢匕熱酒內入茶少許湯調如
膏抹在口內少用白湯送下臨臥

○如苦頭痛每服加細辛二分

○如太陰脉緩有痰名曰痰厥頭痛減羌活防風川

芎甘草加半夏

一兩五錢

○如偏正頭痛服之不愈減羌活防風川芎一半加

柴胡

一倍

○如發熱惡熱而渴此陽明頭痛只與白虎湯加好

吳白芷

徹清膏

蔓荊子

細辛

已上各一分

薄荷葉

川芎已上各三分 生甘草 熟甘草已上各五分

藁本一錢

右為細末每服二錢食後茶清調下

川芎散

治頭目不清利

川芎三分 柴胡七分 羌活

防風 藁本 生甘草

升麻已上各一錢 熟甘草 酒生地黄各二錢

酒黃連炒 酒黃芩已上各四錢五分

右為細末每服一錢或二三錢食後茶清調下忌

酒濕麵

白芷散一名鬱金散

治頭痛

鬱金一錢 香白芷 石膏已上各二錢

薄荷葉 芒硝已上各三錢

右為極細末口含水鼻內噴之

碧雲散

治頭痛

細辛 鬱金 芒硝已上各一錢

蔓荊子 川芎已上各一錢二分 石膏一錢三分

青黛一錢五分 薄荷葉一錢 紅豆一箇

右為極細末口含水鼻內噴之

羌活清空膏

蔓荆子一錢 黃連三錢 羌活
防風 甘草已上各四錢 黃芩二兩
右為細末每服一錢茶清調下食後臨卧
清上瀉火湯

昔有人年少時氣弱常於氣海三里灸之節次約
五七十壯至年老添熱厥頭痛雖冬天大寒猶喜
寒風其頭痛則愈微來暖處或見煙火其痛復作
五七年不愈皆灸之過也

荆芥穗 川芎已上各二分 蔓荆子
當歸身 蒼朮已上各三分 酒黃連

生地黄 藁本 甘草已上各五分

升麻 防風已上各七分 酒黃蘗

炙甘草 黃芪已上各一錢 酒黃芩

酒知母已上各一錢五分 羌活三錢 柴胡五錢

細辛少許 紅花少許

右剉如麻豆大分作二服每服水二盞煎至一盞
去粗稍執服食後

補氣湯

服前藥之後服此藥

柴胡二分 升麻三分 黃芪八分

當歸身二錢 炙甘草四錢 紅花少許

右以咀作二服水二盞煎至一盞去粗稍熱服食後

細辛散

治偏正頭痛

細辛

瓦粉已上各二分生黃芩

芍藥已上各五分

酒黃連

川芎已上各七分

炒黃芩

酒黃芩已上各一錢炙甘草一錢五分

柴胡二錢

右為麤末每服三錢水一大盞半煎至一盞取清食後服之

羌活湯

治風熱壅盛上攻頭目昏眩

炙甘草七分

澤瀉三錢

酒洗瓜蒌根

白茯苓

酒黃蘗已上各五錢

柴胡七錢

防風

細黃芩酒洗

酒黃連

羌活已上各二兩

右為麤末每服五錢重水二中盞煎至一盞取清食後臨卧通口熱服之

養神湯

治精神短不得睡項筋腫急難伸禁甘温宜苦味

木香

橘皮

柴胡已上各一分

酒黃芩二分

人參

黃蘗

白木

川芎已上各三分升麻四分

蒼朮

麥蘖麩

當歸身

黃連

已上各五分甘草

半夏已上各七分

黃芪一錢

右吹咀每服五錢水二大盞煎至一盞去粗稍熱服不拘時候

安神湯

治頭痛頭旋眼黑

生甘草

炙甘草已上各二錢防風二錢五分

柴胡

升麻

酒生地黃

酒知母已上各五錢

酒黃蘗

羌活已上各一兩

黃芪二兩

右為分麩末每服五錢水二大盞半煎至一盞半加蔓荊子五分川芎三分再煎至一盞去粗臨卧熱服

半夏白朮天麻湯

范天慄之內有脾胃證時顯煩燥胃中不利大便不通而又為寒氣佛鬱悶亂大作火不伸故也疑其有熱服疎風丸大便秘行其病不減恐其藥少再服七八十丸大便復見兩行元證不瘳增以吐逆食不能停痰唾稠粘湧出不止眼黑頭旋惡心煩悶氣短促上喘無力以言心神顛倒目不敢開如

在風雲中頭若痛如裂身重如山四肢厥冷不得安卧余料前證是胃氣已損復下兩次則重虛其胃而痰厥頭痛作矣與此藥而治之

黃蘗二分酒洗

乾薑三分

澤瀉

白茯苓

天麻

黃芪

人參

蒼朮已上各五分

炒神麩

白木已上各一錢

麥蘖麩

半夏湯洗

橘皮已上各一錢五分

右咬咀每服五錢水二大盞煎至一盞去粗熱服食前一服而愈此頭痛苦甚謂之足太陰痰厥頭痛非半夏不能療眼黑頭旋風虛內作非天麻不

能除苦甘溫瀉火補元氣實表虛止白汗人參甘溫瀉火補中益氣二木俱苦甘溫除濕補中益氣澤瀉茯苓利小便導濕橘皮苦溫益氣調中升陽神麩消食蕩胃中滯氣大麥麩寬中助胃氣乾薑辛熱以滌中寒黃蘗大苦寒酒洗以療冬天少火在泉發燥也

口齒咽喉門

口齒論

論曰夫齒者腎之標口者脾之竅諸經多有會於口者其牙齒是手足陽明之所過上齧隸於坤土乃足陽明胃之脉貫絡也止而不動下齧嚙物動而不休

手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動齟斷袒脫作痛不已故所治療不同也有惡熱而作痛者有惡寒飲少熱飲多作痛者有惡寒惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒齟腫起為痛者有脾胃中有風邪但覺風而作痛者又有牙上多為虫所蝕其齒缺少而色變為虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

羌活散

治客寒犯腦風寒濕腦痛項筋急牙齒動搖肉齟袒脫疼痛

藁本

香白芷

桂枝 已上各三分

蒼朮

升麻 已上各五分 當歸身 六分

草豆蔻仁 一錢

羌活 一錢五分

羊脛骨灰 二錢

麻黃 去根節

防風 已上各三錢

柴胡 五錢

細辛 少許

右為細末先用溫水漱口淨擦之其痛立止

草豆蔻散

治寒多熱少牙齒疼痛

細辛葉

防風已上各二分

羊脛骨灰

熟地黃已上各五分

當歸七分

草豆蔻仁

黃連已上各一分

升麻二錢五分

右為細末同煎牙痛處擦之

麻黃散

治冬寒時分寒濕腦痛項筋急牙齒動搖疼痛

防風

藁本已上各三分 羊脛骨灰

當歸身

熟地黃已上各六分 草豆蔻仁

升麻

黃連已上各一錢 羌活一錢五分

麻黃不去節

草龍膽酒洗 生地黃已上各二錢

細辛少許

右為細末依前藥法擦之

麝香散

治熱多寒少牙露根肉齩脫血出齒動欲落疼痛

妨食忤涼少忤熱多

熟地黃二分

益智仁二分半 當歸身

生地黃

麻黃根 酒漢防已

人參已上各三分

升麻一錢

草豆蔻

黃連已上各一分

羊脛骨灰二錢

麝香少許

右為細末如前藥擦之

治蟲散一名白芷散

治大寒犯腦牙齒疼痛及蟲痛胃經濕熱腫痛

桂枝一分

熟地黄二分

藁本

白芷已上各三分

當歸身

益智仁

黃連

已上各四分羌活五分

吳茱萸八分

草豆蔻

黃芪

升麻已上各一錢

羊脛骨灰

麻黃

不去節二錢五分

右為細末同煎擦之

益智木律散

治寒熱牙痛

木律二分

當歸

黃連已上各四分

羊脛骨灰

益智皮

熟地黄已上各五分

草豆蔻皮

升麻

一錢五分

右為細末用度如煎擦之

○如寒牙痛不用木律

蠟稍散

治大寒風犯腦牙痛

白芷

當歸身

柴胡已上各三分

桂枝

升麻

防風

藁本

黃芪

已上各三分

羌活五分

草豆蔻皮

麻黃

一錢五分

羊脛骨灰二錢五分

蠟稍少許

右為細末如煎法用之

白牙散

白芷七分

升麻一錢

石膏一錢五分

羊脛骨灰二錢

麝香少許

右為細末先用溫水嗽口擦之妙

刷牙藥

麝香一分

生地黄

酒防已

熟地黄已上各二分

當歸身

人參已上各三分

草豆蔻皮五分

升麻一錢

羊脛骨灰

黃連已上各二錢

白豆蔻

草豆蔻已上各三錢

沒石子三箇

五倍子一箇

右為極細末如前法擦之妙

獨聖散

治一切牙痛風疳

北地疾黎不以多少陰乾

右為細末每用刷牙以熱漿水嗽牙外籠末熬漿

水刷牙大有神效不可具述

當歸龍膽散

治寒熱停牙痛

香白芷

當歸稍

羊脛骨灰

生地黄已上各五分

麻黃

草豆蔻皮

草龍膽

升麻

黃連已上各一錢

右為細末如前法擦之神效

牢牙地黃散

治腦寒痛及牙痛

藁本 二分

生地黄

熟地黄

羌活

防己

人參 已上各三分

當歸身

益智仁 已上各四分 香白芷

黃芪 已上各五分

羊脛骨灰

吳茱萸

黃連

麻黃 已上各一錢

草豆蔻皮 二錢

升麻 一錢五分

右為細末如前法擦之

細辛散

治寒邪風邪犯腦牙齒痛

柴胡

防風

升麻

白芷 已上各二分

桂枝 二分半

麻黃 去節

藁本

蒼朮 已上各三分

當歸身 四分

草豆蔻 五分

羊脛骨灰

羌活 已上各一錢

細辛 少許

右為細末先嗽後擦之佳

立効散

治牙齒痛不可忍及頭腦項背微惡寒飲大惡熱飲其脉上中下三部陽虛陰盛是五臟內盛六腑陽道脉微小小便滑數

細辛 二分

炙甘草 三分

升麻 七分

防風 一錢

草龍膽 酒洗四錢

東垣

卷

三

每兩

右咬咀都作一服水一盞煎至七分去粗以匙抄
在口中燂痛處待少時則止

○如多惡熱飲更加草龍膽一錢此法不定隨寒熱
多少臨時加減

○若更惡風作痛加草豆豉黃連五分上各勿加草龍
膽

牢牙散

治牙齦肉綻有根牙疳腫痛牙動搖欲落牙齒不
長牙黃口臭

羌活二兩

草龍膽酒洗二兩

羊脛骨灰二兩

升麻四兩

右為細末以紗羅子羅骨灰作微塵末和勻貼時
貼在牙齦上

清胃散

治因服補胃熱藥致使上下牙疼痛不可忍牽引
頭腦滿面發熱大痛足陽明之別絡入腦喜寒惡
熱乃是手陽明經中熱盛而作也其齒喜冷惡熱

當歸身

擇細黃連

如連不好更加
一分

生地黄酒製已上

牡丹皮五分

升麻一錢

右為細末都作一服水一盞半煎至一盞去粗帶
冷服之

神功丸

治多食肉人口臭不可近牙齒疳蝕牙齦肉將脫
牙齒落血不止

蘭香葉如無蘭香代之

當歸身

藿香用葉

木香已上各一錢

升麻二錢

生地黄酒洗

生甘草已上各三錢

黃連去鬚擇淨酒洗

縮砂仁已上各五錢

右同為細末湯浸餅為丸如菜豆大每服一百丸或加至二百丸止白湯下食遠服兼治血痢及血崩及血下不止血下褐色或紫色黑色及腸澼下血空心服米湯下其脈洪大而緩者及治麻木厥氣上衝逆氣上行妄聞妄見者

桔梗湯

治咽腫微覺痛聲破

當歸身

馬勃已上各一分

白殭蠶

黃芩已上各三分

麻黃五分不萎

桔梗

甘草已上各一錢

桂枝少許

右為麤末作一服水二大盞煎至一盞去粗稍熱服之食後

又方

治口瘡久不愈者

黃蘗不計多少真者蜜塗其上炙黃色

右為細末乾糝瘡上臨卧忌醋醬鹽

神驗法

治口瘡無問久新

夜間將二九以歷緊左右交手揉三五十次但
遇睡覺行之如此三五度因濕而生者一夜愈
久病諸般口瘡三二夜愈如鼻流清涕者歷之
二九揉之數夜可愈

內經云膀胱移熱於小腸膈腸不便上口為糜湯
老五苓散與道赤散合而飲之

嘔吐門

丁香茱萸湯

治嘔吐噦胃虛寒所致

黃蘗三分

炙甘草

丁香

柴胡

橘皮已去白五分 升麻七分

吳茱萸

蒼朮

人參已去白一錢

當歸身一錢五分 草豆蔻仁

黃芪已去白各二錢

右為籠末每服五錢水二升煮煎至一盞去粗稍
熱服食前

白木湯一名茯苓半夏湯

治胃氣虛弱身重有痰惡心欲吐是風邪羈絆於
脾胃之間當先實其脾胃

炒神麴二錢

陳皮

天麻已去白各三錢

白朮

白茯苓

麥蘗麴炒黃色

半夏已去白五錢

右吹咀每服五錢水二盞入生薑五片同煎至一盞去粗稍熱服之

補肝湯一名柴胡半夏湯

治素有風證不敢見風眼澀頭痛眼黑胃中有痰惡心兀兀欲吐遇風但覺皮肉緊手足難舉重物如居暖室少出微汗其證乃減再或遇風病即復

柴胡

升麻

藜蘆

已上各五分

白茯苓七分

炒神麴

蒼朮

已上各一錢

半夏二錢

生薑十片

右為麩末都作一服水二大盞煎至一大盞去粗稍熱服

吳茱萸丸一名木香利膈丸

治寒在膈上噎塞咽膈不通

木香

青皮已上各二分

白殭蠶

姜黃

澤瀉

柴胡

已上各四分

當歸身

炙甘草已上各六分

益智仁

人參

橘皮

升麻

黃芪已上各八分半夏一錢

草豆蔻仁

吳茱萸已上各一錢二分麥蘖麴一錢五分

右為細末湯浸証餅為丸如菽豆大每服二三丸溫水送下勿多飲湯恐速下細嚼亦得

衄血吐血門

麥門冬飲子

治吐血久不愈以三稜鐵於氣衝出血立愈

黃芪一錢

麥門冬

當歸身

生地黄

人參已上各五分

五味子十箇

右為籠末都作一服水二盞煎至一盞去粗熱服不拘時

人參飲子

治脾胃虛弱氣促氣弱精神短少衄血吐血

麥門冬二分

人參去芦

當歸身已上各三分

黃芪

白芍藥

甘草已上各一錢

五味子五箇

右為籠末都作一服用水二盞煎至一盞去粗稍

熱服

一省者有前證以前藥投之愈繼而至冬天居大室中卧大熱炕而吐血數次再來求治料此病久虛弱附臍有形而有火熱在內上氣不足陽氣外虛當補表之陽氣瀉其裏之虛熱是其法也冬天居大室衣蓋單薄是重虛其陽表有大寒壅遏裏熱火邪不得舒伸故血出於口憶仲景傷寒論中一證太陽傷寒當以麻黃湯發汗而不愈遂成衄却與麻黃湯立愈此法相同予遂用之

麻黃桂枝湯

人參益上焦元氣不來門冬 桂枝以補表虛

當歸身和血養血 麻黃法根節 甘草補其脾

黃芪養表益衛 白芍藥已上各一錢 五味子其酸

右以水三盞先煮麻黃一味令沸去沫至二盞入

餘藥同煎至一盞去粗熱服臨卧只二服而愈更

不再作

黃芪芍藥湯

治鼻衄血多面黃眼澀多眵手麻木

葛根

升麻已上各二兩 炙甘草二兩 黃芪三兩

右以水三盞先煮麻黃一味令沸去沫至二盞入

○六脉弦細而澹按之空虛其色必白而天不澤者

脫血也此大寒證以辛溫補血益血以甘溫甘熱

滑潤之劑以佐之則愈此亡血亦傷精氣

三黃補血湯

治六脉俱大按之空虛心面赤善驚上熱乃年少

陰心脉也此氣盛多而亡血以甘寒鎮墜之劑大

瀉其氣以墜氣浮以甘辛溫微苦峻補其血

牡丹皮

黃芪補之以防 升麻已上各一錢

當歸已上各一錢 熟地黃

右以水三盞先煮麻黃一味令沸去沫至二盞入

餘藥同煎至一盞去粗熱服臨卧只二服而愈更

不再作

川芎已上各二錢 生地黃三錢 白芍藥五錢

柴胡已上各一錢 熟地黃

右以水三盞先煮麻黃一味令沸去沫至二盞入

蓋去粗稍熱服食則

○如兩寸脉孔血在上焦或衄血或嘔血與犀角地黃湯則愈

救脉湯一名人參救肺散

治吐血

甘草

蘇木

陳皮已上各五分

升麻

柴胡

蒼木已上各一錢

當歸梢

熟地黄

白芍藥

黃芪

人參已上各二錢

右為麤末都作一服水一大盞煎至一盞去粗稍溫食前服

止衄血法

治鼻血久不止素有熱而暴作者諸藥無驗神法以大紙二張作八摺或十摺於水內濕置頂中以熱熨斗熨至一重或二重紙乾立止

腰痛門

川羌肉桂湯

丁未冬曹通甫自河南來有役人小翟露宿寒濕之地腰痛不能轉側兩脇搐急作痛已經月餘不愈矣腰痛論中說皆為足太陽足少陰血絡中有凝血作痛間有一二證屬少陽膽經外絡脉病皆去血絡之凝乃愈其內經有云冬三月禁不得用

鐵只宜服藥通其經絡破其血絡中敗血以此藥

主之

酒漢防已

防風

已上各三分

炒神翹

獨活

已上各五分

川芎

柴胡

肉桂

當歸稍

炙甘草

蒼朮

已上各一錢

羌活 一錢五分

桃仁

五箇去皮尖研如泥

右吹咀都作一服好酒三大盞煎至一大盞去粗
稍執倉遠服

獨活湯

治因勞役腰痛如折沉重如山

炙甘草 二錢

羌活

防風

獨活

大黃 煨

澤瀉

肉桂

已上各三錢

當歸稍

連翹

已上各五錢

酒漢防已

酒黃蘗

已上各一兩

桃仁

三十箇

右吹咀每服五錢酒半盞水一大盞半煎至一盞
去粗執服

破血散疼湯

治乘馬損傷跌其脊骨惡血流於脇下其痛苦楚
不能轉側妨於飲食

羌活

防風

中桂

已上各一錢

蘇木

一錢五分

連翹

當歸稍

柴胡

已上各二錢

水蛭

三錢炒去煙盡別研

麝香

少許別研

東垣必錄

卷之

二十一

右件分作二服每服酒二大盞水一大盞除水蛭麝香另研如泥煎餘藥作一大盞去粗上火令稍熱調二味空心服之兩服立愈

地龍散

治腰脊痛或打撲損傷從高墜下惡血在太陽經中令人腰脊痛或脛膕臂股中痛不可忍鼻塞不通

當歸稍一分 中桂 地龍已上各四分

麻黃五分 蘇木六分 獨活

黃蘗 甘草已上各一錢 羌活二錢

桃仁六箇

右咬咀每服五錢水二盞煎至一盞去粗溫服會遠

蒼木湯

治濕熱腰腿疼痛

防風風能勝濕 黃蘗已上各一錢始得之時寒也久不愈寒化為熱除濕止痛

柴胡二錢行經 蒼木二錢去濕止痛

右都作一服水二大盞煎至一盞去粗空心服

麻黃復煎散

治陰室中汗出懶語四肢困倦無力走住疼痛乃下焦伏火而不得伸浮而燥熱汗出一身盡痛盡風濕相搏也以升陽發汗漸漸發之火鬱乃濕在

經者亦宜發汗況正值季春之月脉緩而遲尤宜
發汗令風濕去而陽升以此困倦乃退氣血俱得
生旺也

白朮

人參

生地黄

柴胡

防風

羌活

黃蘗已上各二錢

麻黃

去節微火令作末水五大盞煎令
沸去沫前至三盞又下麻黃再煎

黃芪已上各二錢

甘草三錢

杏仁三箇去皮

右咬咀都作一服入麻黃湯煎至一盞臨臥服之
勿令食飽取漸次有汗則効

緩筋湯一名羌活湯

治兩目如火腫痛兩足及伏兔筋骨痛膝少力身

重腰痛夜惡寒痰嗽頸項皆急痛日外眦目絲急
食不下

熟地黄一分

生甘草

柴胡

紅花

炙甘草

蘇木

獨活已上各二分

藁本

升麻

黃芩

草豆蔻仁

酒黃蘗

生地黄

當歸身

麻黃已上各三分

羌活三錢

蒼朮五分

右為麤末都作一服水二大盞煎至一盞去粗食
遠服之

拈痛湯

治濕熱為病肩背沉重肢節疼痛骨膈不利

白木 一錢五分 人參 去芦 苦參 酒炒

升麻 去芦 葛根 蒼木 已上各二錢

防風 去芦 知母 酒洗 澤瀉

黃芩 炒 猪苓 當歸身 已上各二錢

炙甘草 黃芩 酒洗 茵陳 酒炒

羌活 已上各五錢

右咬咀每服一兩水二大盞煎至一盞去粗食遠服

蒼木復煎散

治寒濕相合腦右痛惡寒項筋脊骨強肩背胛眼

痛膝膈痛無力行步沉重

紅花 一分 黃蘗 三分 柴胡

藁本 澤瀉 白木

升麻 已上各五分 羌活 一錢 蒼木 四兩水一椀煎

右咬咀先煎蒼木湯二大盞復煎前項藥至一大

盞稍熱空心服取微汗為効忌酒濕麵

羌活蒼木湯

治脚膝無力沉重

炙甘草 黃蘗 草豆蔻

生甘草 葛根 已上各五分 橘皮 六分

柴胡 七分 升麻 獨活

縮砂仁

蒼朮

已上各一錢

防風

一錢五分

黃芪二錢

知母

二錢五分

羌活三錢

右吹咀分作二服水二大盞煎至一盞去粗空心服

婦人門

經閉不行有三論

陰陽別論云二陽之病發心脾有不得隱曲女子不月其傳為風消為息音者死不治婦人脾胃久虛或形羸氣血俱衰而致經水斷絕不行或病中消胃熱善食漸瘦津液不生夫經者血脉津液所化津液既絕為熱所燥肌肉消瘦時見渴燥血海枯竭病名曰

血枯經絕宜瀉胃之燥熱補益氣血經自行矣此證或經適行而有子子不安為胎病者有矣或心包脉洪數燥作時見大便秘澀小便雖清不利而經水閉絕不行此乃血海乾枯宜調血脉除包絡中火邪而經自行矣內經所謂小腸移熱於大腸為痔瘻為沉月澀不利則月事沉滯而不利故云為痔瘻為沉也或因勞心心火上行月事不來安心補血瀉火經自行矣故內經云月事不來者胞脉閉也胞脉者屬心而絡於胞中令氣上迫肺心氣不得下故月事不來也

經漏不止有三論

陰陽別論云陰虛陽搏謂之崩婦人脾胃虛損致命
門脉沉細而數矣或沉弦而洪大有方寸關脉亦然
皆由脾胃有虧下陷於腎與相火相合濕熱下迫經
漏不止其色紫黑如夏月腐肉之臭中有白帶者脉
必弦細寒作於中中有赤帶者其脉洪數疾熱明矣
必腰痛或臍下痛臨經欲行先見寒熱往來兩脇急
縮兼脾胃證出見或四肢困熱心煩不得眠卧心下
急宜大補脾胃而升舉血氣可一服而愈或人故貴
脫執力人事踈少或先富後貧心氣不足其火大熾旺
於血脉之中又致脾胃飲食失節火乘其中形質肌
肉容顏似不病者此心病者不行於診故脾胃飲食
不調其證顯矣而經水不時而下或適來適斷暴下
不止治當先說惡死之言勸諭令拒死而心不動以
大補氣血之藥舉養脾胃微加鎮墜心火之藥治其
心補陰瀉陽經自止矣痿論云悲哀大甚則胞絡絕
也陽氣內動發則心下崩數洩血也故本病曰大經
空虛發則肌痺傳為脉痿此之謂也

升陽除濕湯

一名調經升麻除濕湯

治女子漏下惡血月事不調或暴崩不止多下水
漿之物皆由飲食不節或勞傷形體或素有心氣
不足因飲食勞倦致令心火乘脾其人必怠惰嗜
卧四肢不收困倦乏力無氣以動氣短上氣逆急

上衝其脉緩而弦急按之洪大皆中之下得之脾土受邪也脾主滋榮周身者也心主血血主脉二者受邪病皆在脉脉者血之府也脉者人之神也心不主令包絡代之故曰心之脉主屬心系心系者包絡命門之脉也主月事因脾胃虛而心包乘之故漏下月水不調也况脾胃為血氣陰陽之根蒂也當除濕去熱益風氣上伸以勝其濕又云火鬱則發之

當歸酒洗

獨活上各五分蔓荆子七分

防風

炙甘草

升麻

葉本上各一錢

柴胡

羌活

蒼朮

黃芪上各一錢五分

右剉如麻豆大勿令作末都作一服以潔淨新汲水五大盞煎至一大盞去粗空心熱服待少時以早飯壓之可一服而已如灸足太陰脾經中血海穴二七壯亦已

此藥乃從權之法用風勝濕為胃下陷而氣迫於下以救其血之暴崩也併血惡之物往後必須黃芪人參炙甘草當歸之類數服以補之於補氣升陽湯中加以和血藥便是也若經血惡物下之不絕尤宜究其根源治其本經只益脾胃退心火之亢乃治其根蒂也若遇夏月白帶下脫漏不止宜

用此湯一服立止

涼血地黄湯

治婦人血崩是腎水陰虛不能鎮守包絡相火故血走而崩也

黃芩

荆芥穗

蔓荊子已各五分

黃蘗

知母

藁本

細辛

川芎已各二分

黃連

羌活

柴胡

升麻

防風已各三分

生地黄

當歸已各五分

甘草一錢

紅花少許

右咬咀都作一服水三大盞煎至一盞去粗稍熟

空心服之

○足太陰脾之經中血海二穴在膝臑上內臚白肉

際二寸中治女子漏下惡血月事不調逆氣腹脹

其脈緩者是也灸三壯

○足少陰腎之經中陰谷二穴在膝內輔骨後大筋

下小筋上按之應手屈膝取之治膝如錐不得屈

伸舌縱涎下煩逆溺難少腹急引陰痛股內臚痛

婦人漏血不止腹脹滿不得息小便黃如蠱女子

如姪身可灸二壯

酒煮當歸丸

治癩疔白帶下疰脚氣腰已下如在冰雪中以火

焙炕重重厚綿衣蓋其上猶寒冷不任寒之極也
面白如枯魚之象肌肉如刀刮削瘦峻之速也小便
便不止與白帶長流而不禁固自不知覺面白目
青藍如菜色目眈眈無所見身重如山行步欹側
不能安地腿膝枯細大便難秘口不能言無力之
極食不下心下痞煩心懊懣不任其苦面停垢背
惡寒小便遺而不知此上中下三陽真氣俱虛欲
竭噦嘔不知胃虛之極也脉沉厥緊而澀按之空
虛若脉洪大而澀按之無力猶為中寒之證况按
之空虛者乎按之不鼓是為陰寒乃氣血俱虛之
極也

茴香

五錢

黑附子

炮製去

良薑

已上各七錢

當歸

二兩

右四味坐如麻豆大以上等好酒一盞半同煮至

酒盡焙乾

炙甘草

苦練生用

丁香

已上各五分

木香

升麻

已上各一錢

柴胡

二錢

炒黃鹽

全蠍

已上各三錢

延胡索

四錢

右與前四味藥同為細末酒煮麵糊為丸如梧桐
子大每服五七十丸空心淡醋湯下忌油膩冷物

酒濕麵

固真丸

治白帶久下不止臍腹冷痛陰中亦然目中溜火
視物眊眊然無所見齒皆惡熱飲痛須得黃連細
末擦之乃止惟喜乾食大惡湯飲此病皆寒濕乘
其胞內故喜乾而惡濕肝經陰火上溢走於標故
上壅而目中溜火腎水侵肝而上溢致目眊眊而
無所見齒惡熱飲者是陽明經中伏火也治法當
大瀉寒濕以丸藥治之故曰寒在下焦治宜緩大
忌湯散以酒製白石脂白龍骨以枯其濕炮乾薑
大熱辛瀉寒水以黃蘗之大寒為因用又為鄉導
故云古者雖有重罪不絕人之後又為之伏其所
主先其所因之意又瀉齒中惡熱飲也以柴胡為
本經之使以芍藥五分導之恐辛熱之藥大甚損
其肝經故微瀉之以當歸身之辛溫大和其脉血
此用藥之法備矣

黃蘗 酒洗

白石藥 已上各五分

柴胡

白石脂 已上各一錢火燒赤
水飛細研日乾

白龍骨 酒煮日乾
水飛為末

當歸 酒洗已上
各二錢

乾薑 四錢炮

右件除龍骨白石脂水飛研外同為細末水煮麵
糊為丸如雞頭仁大日乾空心多用白滯湯下無
令胃中停滯待少時以早飯壓之是不令熱藥犯
胃忌生冷硬物酒濕麵

烏藥湯

夏宜必成

卷

三

海內

治婦人血海疼痛

當歸

甘草

木香已上各五錢

烏藥一兩

香附子二兩炒

右咬咀每服五錢水二大盞去粗溫服食前

助陽湯一名升陽燥濕湯

治白帶下陰戶中痛空心而急痛身黃皮緩身重如山陰中如冰

生黃芩

橘皮已上各五分 防風

高良薑

乾薑

郁李仁

甘草已上各一錢

柴胡一錢三分

白葵花七朵

右剉如麻豆大分作二服每服水二大盞煎至一

盞去粗食前稍熱服

水府丹

治婦人久虛積冷經候不行癥瘕癖塊腹中暴痛面有黥黯黎黑羸瘠

硃砂紙沸湯蒸取

紅豆已上各五錢

桂心另為末

木香

乾薑已上各一兩

砂仁二兩

經煨花蕊石研一兩五錢

斑蝥一百箇去頭尾

生地黄汁

童子小便各升 臘月狗膽七枚

羌活三分白芷去頭足糯米一

右九味為細末同三汁熬為膏和丸如雞頭大硃砂為衣每服一丸溫酒細嚼食前服米飲亦可孕

婦不可服

丁香膠艾湯

治崩漏不止蓋心氣不足勞役及飲食不節所得
經隔少時其脉二尺俱弦緊洪按之無力其證自
覺臍下如冰求厚衣被以禦其寒白帶白滑之物
多間有如屋漏水下時有鮮血右尺脉時微洪也

熟地黃

白芍藥已上各三分

川芎

丁香已上各四分

阿膠六分

生艾葉一錢

當歸一錢二分

右川芎為細末當歸酒洗剉熟地黃丁香為細末
艾亦剉都作一服水五大盞先煎五味作一盞
二分去粗入膠再上火煎至一大盞滯熱空心服
之

黃芪當歸人參湯

丁未仲冬郭大方來說其妻經水暴崩不止先曾
損身失血自後一次縮一十日而來今次不止其
人心窄性急多驚以予料之必因心氣不足飲食
不節得之大方曰無到彼診得掌中寒脉沉細而
緩間而沉數九竅微有不利四肢無力上喘氣短
促口鼻氣皆不調果有心氣不足脾胃虛弱之證
胃脘當心而痛左脇下縮急有積當臍有動氣腹
中鳴下氣大便難虛證極多不能盡錄擬先治其

本餘證可以皆去安心定志鎮墜其驚調和脾胃
大益元氣補其血脈令養其神以大熱之劑去其
冬寒凝在皮膚內少加生地黄去命門相火不令
四肢痿弱

黃連一分

生地黄三分

炒神麩

橘皮

桂枝已上各五分

草豆蔻仁六分

黃芪

人參

麻黃不去節已上各一錢

當歸身一錢五分

杏仁研如湯

右以咀作二服水二大盞半煎麻黃令沸去沫煎
至二盞入諸藥同煎至一大盞於巳午之間會消
盡服之一服立止其胃脘痛乃胃上有客寒與大

熱藥草豆蔻九一十五丸白湯送下其痛立止再
與肝之積藥除其積之根源而愈

當歸芍藥湯

治婦人經脈漏下不止其色鮮紅時值七月處暑
之間先因勞役脾胃虛弱氣短氣逆自汗不止身
熱悶亂惡見飲食非惟不入亦不思食沉懶困倦
四肢無力大便時泄後再因心氣不足經脈再下
不止惟覺氣下脫其元氣逆上全無惟覺心腹中
氣下行氣短少不能言是無力以言非懶語也此
藥主之

柴胡二分

炙甘草

生地黄已上各

橘皮 不去白

熟地黄 五分

黃芪 一錢五分

蒼朮 浸去皮

當歸身

白芍藥

白朮 已各二錢

右十味 咬咀如麻豆大 分作二服 水一盞 半盞 煎至一盞 去粗稍熟 空心服之

柴胡調經湯

治經水不止 鮮紅 項筋急 腦痛 脊骨強痛

炙甘草

當歸身

葛根 已各三分

獨活

藁本

升麻 已各五分

柴胡 七分

羌活

蒼朮 已各一錢

紅花 少許

右剉如麻豆大 都作一服 水四大盞 煎至一盞 去粗 空心稍熟 服取微汗 立止

一婦人經候凝結 黑血成塊 左廂有血 痲水泄不止

穀有時不化 後血塊暴下 并水俱作 是前後二陰有

形 血脫竭於下 既久 經候循不調 水泄日見 三兩行

食罷 煩心 飲食減少 甚至瘦弱 東垣老人曰 夫聖人

治病 必本四時 升降浮沉之理 權變之宜 必先歲氣

無伐天和 無勝無虛 遺人天疾 無致邪無失正 絕人

長命 故仲景云 陽盛陰虛 下之則愈 汗之則死 陰盛

陽虛 汗之即愈 下之即死 大抵聖人立法 且如升陽

或發散之劑 是助春夏之陽氣 令其上升 乃瀉秋冬

或發散之劑 是助春夏之陽氣 令其上升 乃瀉秋冬

收藏殞殺寒涼之氣此病是也當用此法治之升降
浮沉之至理也天地之氣以升降浮沉乃從四時如
治病不可逆之故經云順天則昌逆天則亡可不畏
哉夫人之身亦有四時天地之氣不可止認在外人
亦體同天地也今經漏不正是前陰之氣血已脫下
矣水泄又數年是後陰之氣血下陷以脫矣後陰者
主有形之物也前陰者精氣之戶下竭是病人身周
之血氣常行秋冬之令陰主殺此等收藏之病是也
陽生陰長春夏是也在人之身令氣升浮者穀氣上
行是也既病人周身血氣皆不生長穀氣又不勝其
肌肉消少是兩儀之氣俱將絕矣既下元二陰俱脫
血氣將竭假令當是劫証今下焦久脫化為寒矣此
病久沉久降寒濕大勝當急救之瀉寒以熱除濕以
燥大升大舉以助生長補養氣血不致偏竭聖人立
治之法既濕氣大勝以所勝治之助甲風木上升是
也故經云風勝濕是以所勝平之也當先調和胃氣
次用白朮之類以燥其濕而滋元氣如其不止後用
風藥以勝濕此便是大舉大升以助春夏一濕之久
陷下之至治也

益胃升陽湯

血脫益氣古聖人之法也先補胃氣以助生發之
氣故曰陽生陰長諸甘藥為之先務舉世皆以為

補殊不知甘能生血此陽生陰長之理也故先理胃氣人之身內穀氣為寶

柴胡

升麻 已上各五分 炙甘草

當歸身 酒洗

陳皮 已上各一錢 人參 法去有

炒神麴 已上各五分

黃芪 二錢 白木 三錢

生黃芩 少許

右吹咀每服二錢水二大盞煎至一盞去粗稍熱服

○如腹中痛每服加白芍藥三分中桂少許

○如渴或口乾加葛根二分不拘時候

升陽舉經湯

治經水不止如右尺脉按之空虚是氣血俱脫大寒之證輕手其脉數疾舉指弦緊或澀皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此法當大升浮血氣切補命門之下脫也

肉桂

去皮盛夏勿用秋冬服

白芍藥

紅花 已上各五分

細辛

六分

人參

熟地黃

川芎

已上各一錢

獨活根

黑附子 炮去

炙甘草

已上各一錢五分

羌活

藜蘆 去

防風

已上各二錢

白木

當歸

黃芪

已上各三分

柴胡 已上各三錢

桃仁 十箇 湯去

右咬咀每服三錢若病勢頗當漸加至五錢每服
冰三盞煎至一盞空心熱服

半產誤用寒涼之藥論

婦人分免及半產漏下昏胃不省瞑目無所知覺蓋
因血暴亡有形血去則心神無所養心與包絡者君
火相火也得血則安亡血則危火上熾故令人昏胃
火勝其肺瞑目不省人事是陰血暴去不能鎮撫也
血已虧損往往用滑石甘草石膏之類乃辛甘大寒
之藥能瀉氣中之熱是血虧瀉氣乃陰虧瀉陽使二
者俱傷反為不足虛勞之病昏迷不省者上焦心肺
之熱也此無形之熱用寒涼之藥驅令下行豈不知

上焦之病悉屬於表乃陰證也汗之則愈今反下之
幸而不死暴虧氣血生命豈能久活又不知內經有
說病氣不足宜補不宜瀉但瞑目之病悉屬於陰宜
汗不宜下又不知傷寒鬱冒得汗則愈是禁用寒涼
藥也分免半產本氣不病是暴去其血亡血補血又
何疑焉補其血則神昌常時血下降亡今當補而升
舉之心得血而養神不昏矣血若暴下是秋冬之令
大旺今舉而升之以助其陽則目張神不昏迷矣今
立一方補血養血生血益陽以補手足厥陰之不足也
全生活血湯

紅花 三分

蔓荊子

細辛

已上各五分

生地黄夏月多加熟地黄已各一錢景本

川芎已上各一錢五分防風諸陽既陷何以知之血下脫故也

羌活獨活炙甘草

柴胡去苗當歸身酒洗葛根已上各二錢

白芍藥升麻已上各三錢

右咬咀每服五錢水二盞煎至一盞去粗食前稍

熱服

當歸附子湯

治臍下冷痛赤白帶下

當歸二分炒鹽三分蠟梢

升麻已上各五分甘草六分柴胡七分

黃蘗少許為引用附子一錢乾薑良薑各一錢

右為麤末每服五錢水五盞煎至一盞去粗稍熱服或為細末酒麪糊為丸亦可

調經補真湯

冬後一月微有地泥水泮其白帶再來陰戶中寒一服立止

獨活乾薑炮藁本

防風蒼朮已上各二分麻黃不去節

炙甘草人參當歸身

白朮生黃芩升麻已上各五分

黃芪七分良薑澤瀉

羌活已上各一錢 柴胡一錢 杏仁二箇

桂枝少許 白葵花七葉去萼

右以咀除黃芩麻黃各另外都作一服先以水三
大盞半煎麻黃一味令沸掠去沫入餘藥同煎至
一盞零七分再入生黃芩煎至一盞空心服之候
一時許可食早飯

坐藥龍鹽膏

茴香三分 枯礬五分 良薑

當歸稍 酒防已 木通已上各一錢

丁香 木香 川烏炮已上各一錢五分

龍骨 炒鹽 紅豆

肉桂已上各二錢 厚朴三錢 延胡索五錢

全蠍五箇

右為細末煉蜜為丸如彈子大綿裹留系在外內
丸藥陰戶內日易之

勝陰丹

為上藥力小再取三錢內加行性熱藥項下

柴胡 羌活 枯白礬

甘松 升麻已上各二分 川烏頭

大椒 三柰子已上各五分 蒜七分

破故紙八分與蒜同煮焙乾研 全蠍

麝香少許

右為細末依前法用

迴陽丹

羌活

全蠍

牛膝根

甘松

已上各二分

草烏頭

水蛭炒已上各三分

大椒

三柰子

華撥

桔礬

已上各五分

柴胡

川烏已上各七分

炒黃鹽為必用之藥去之則不效

破故紙

蒜

已上各一錢

蜜蠟三層去麩是妙

右為極細末依前製用臍下覺暖為效

柴胡丁香湯

治婦人年三十歲臨經先腰痛補甚則腹中亦痛

經縮三兩日

生地黄三分

丁香四分

當歸身

防風

羌活已上各一錢柴胡一錢五分

全蠍一箇

右件都作一服水二盞煎至一盞去粗食前稍熱

服

延胡苦練湯

治臍下冷撮痛陰冷大寒白帶下

黃蘗一分為引用延胡索

苦練子已上各二分

附子炮

肉桂已上各三分炙甘草五分

熟地黄一錢

右都作一服水二大盞煎至一盞食前服

桂附湯

治白帶腥臭多悲不樂大寒

黃藥為引用 知母已上各五分 肉桂一錢

附子三錢

右以咀都作一服水二盞煎至一盞去粗食遠熱服

○如少食常飽有時似腹脹分悶加白芍藥五分

○如不思飲食加五味子二十箇

○如煩惱面上如蟲行乃胃中元氣極虛加黃芪一錢五分 人參七分 炙甘草五分

人參補氣湯

治四肢懶倦自汗無力

丁香末二分 生甘草稍 炙甘草已上各三分

生地黄 白芍藥已上各五分 熟地黄六分

人參 防風 羌活

黃蘗 知母 當歸身

升麻已上各七分 柴胡一錢 黃芪一錢五分

全蠍一箇 五味子二十箇

右剉如麻豆大都作一服水二盞煎至一盞去粗空心稍熱服

黃芪白朮湯

治婦人四肢沉重自汗上至頭際頸而還惡風頭痛燥熱

細辛三分 吳茱萸 川芎已上各二分

柴胡 升麻已上各一錢 當歸身一錢五分

黃蘗酒洗 炙甘草 羌活已上各二錢

五味子三錢 白朮 人參已上各五錢

黃芪一兩

右咬咀每服五錢水二大盞生薑五片煎至一盞去粗食前熱服

○如腹中痛不決加炙甘草一錢汗出不止加黃蘗一錢白朮茯苓湯

治胃氣弱身重有痰惡心欲吐是風邪羈絆於脾胃之間當先實其脾胃

白朮 白茯苓 半夏已上各一兩

炒麴二錢 麥蘗麵五分炒

右咬咀每服五錢水二大盞入生薑五片煎至一盞去粗不拘時服

增味四物湯

治婦人血積

當歸 川芎 芍藥

熟地黄 京三稜 乾漆炒煙盡

肉桂去皮 廣茂已上各一分

右為麤末每服五錢水二大盞煎至一盞去粗食
前稍熱服

補經固真湯

白文舉正室白帶常漏久矣諸藥不効診得心包
尺脉微其白帶下流不止叔和云朋中日久為白
帶漏下時多骨木枯崩中者始病血崩久則血少
復亡其陽故曰滑之物下流不止是本經血海將
枯津液復亡枯乾不能滋養筋骨以本部行經藥
為引用為使以大辛甘油膩之藥潤其枯燥而滋
益津液以大辛熱之氣味藥補其陽道生其血脉
以苦寒之藥泄其肺而較上熱傷氣以人參補之
以微苦温之藥為佐而益元氣

白葵花去其研

陳皮五分不

生薑細研引入

郁李仁去皮尖

甘草炙

柴胡已上各二錢

乾薑細末

人參已上各二錢

右件除黃芩外以水二盞煎至一盞七分再入黃
芩同煎至一盞去粗空心熱服少時以早飯壓之

温衛補血湯

治耳鳴鼻不聞香臭口不知穀味氣不快四肢困
倦行步歌側髮脫落食不下膝冷陰汗帶下喉中
哢哢不得卧口舌嗌乾大息頭不可以回顧項筋
緊脊強痛頭旋眼黑頭暈欠寔

生地黄

白木

藿香

黃蘗已上各一分牡丹皮

蒼朮

王瓜根

橘皮

吳茱萸已上各二分

當歸身二分半

柴胡

人參

熟甘草

地骨皮已上各三分

升麻四分

生甘草五分

黃芪一錢三分

丁香一箇

桃仁三箇

葵花七葉

右咬咀作一服用水二大盞煎至一盞去粗食前熱服

立效散

治婦人血崩不止

當歸

蓮花心

白綿子

紅花

茅花已上各一兩

右剉如豆大白紙裹定泥固炭火燒灰存性為細末

○如乾血氣研血竭為引好溫酒調服加輕粉一錢

○如血崩不止加麝香為引好溫酒調服

四聖散

治婦人赤白帶下

川烏炮製

生白礬已上各錢紅娘子三箇

斑蝥十箇

煉蜜為丸如皂子大綿裹坐之

温經除濕湯

十月霜冷後四肢無力乃痿厥濕熱在下焦也醋
心者是濁氣不下降欲為滿也合眼麻木作者陽
道不行也惡風寒者上焦之分皮膚中氣不行也
開目不麻者日開助陽道故陰寒之氣少退也頭
眩暈者風氣下陷於血分不得伸越而作也近
火則有之

黃連一分 柴胡 草豆蔻

神麴炒 木香 已上各二分 麻黃 不去節

獨活 當歸身 黃蘗 已上各二分

升麻五分 羌活七分 炙甘草

人參 白朮 猪苓


澤瀉 已上各二錢 黃芪 橘皮

蒼朮 已上各二錢 白芍藥 三錢

右剉如麻豆大分作二服水二盞煎至一盞食遠
服治支節沉重疼痛無力之勝藥也

補氣升陽和中湯

李正臣夫人病診得六脉俱中得弦洪緩相合按
之無力弦在上是風熱下陷入陰中陽道不行其
証閉目則渾身麻木晝減而夜甚覺而開目則麻
木漸退久則絕止常開其目此証不作懼其麻木
不敢合眼致不得眠身體皆重時有痰嗽覺胸中



常似有痰而不利時遠燥氣短促而喘肌膚充盛
 飲食不減大小便如常惟畏其麻木不敢合眼為
 最苦觀其色脉形病相應而不逆內經曰陽盛則
 目而動輕陰病閉目而靜重又云諸脉皆屬於目
 靈樞經云開目則陽道行陽氣遍布週身閉目則
 陽道閉而不行如晝夜之分知其陽衰而陰旺也
 且麻木為風三尺之童皆以為然細校之則有區
 別耳久坐而起亦有麻木為如繩縛之人釋之覺
 麻作而不敢動良久則自已以此驗之非有風邪
 乃氣不行也治之當補其肺中之氣則麻木自去
 矣如經脉中陰火乘其虛以火動於中為麻木也
 當兼去其陰火則愈矣時痰嗽者秋涼在外在上
 而作也當以溫劑實其皮毛身重脉緩者濕氣伏
 匿而作也時見燥作當升陽助氣益血微瀉陰火
 與濕通行經脉調其陰陽則已矣非五臟六腑之
 本有邪也此藥主之

生甘草

去腎熱

酒黃蘗

瀉火

白茯苓

除濕火

澤瀉

升麻

柴胡

以上各一錢

蒼朮

草豆蔻仁

白木

以上各二錢

橘皮

當歸身

佛耳草

以上各二錢

白芍藥

人參

佛耳草

以上各三錢

炙甘草

黃芪

以上各五錢

右吹咀每服五錢水二盞煎至一盞去粗食遠服之

麻黃桂枝升麻湯

治婦人先患渾身麻木睡覺有少減開目則已而全愈又證已痊又因心中煩惱遍身骨節疼身體沉重飲食減少腹中氣不運轉

木香

生薑已上各一分

桂枝

半夏

陳皮

草豆蔻仁

厚朴

黑附子

黃蘗已上各二分

炙甘草

升麻

白木

茯苓

澤瀉已上各三分

黃芪

麻黃

不去節

人參已上各五分

右都作一服水二盞煎至一盞去粗食遠服之

蘭室秘藏卷中終

東垣

卷中

二二

麻黃桂枝湯

古語云一則水二則燥至一滋法則會密則文

秘黃不主情

入參以正氣

蘭室秘藏卷下

東垣老人李杲撰

大便結燥門

大便結燥論

金匱真言論云北方黑色入通腎開竅於二陰藏精於腎又云腎主大便大便難者取足少陰夫腎主五液津液潤則大便如常若飢飽失節勞役過度損傷胃氣及食辛熱味厚之物而助火邪伏於血中耗散直陰津液虧少故大便結燥然結燥之病不一有熱燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之

東垣秘藏

卷下

一每二句一節

如少陰不得大便以辛潤之太陰不得大便以苦泄之陽結者散之陰結者溫之仲景云小便利而大便硬不可攻下以脾約在潤之食傷太陰腹滿而食不化腹響然不能大便者以苦藥泄之如血燥而不能大便者以桃仁酒製大黃通之風結燥而大便不行者以麻子仁加大黃利之如氣澀而大便不通者以郁李仁枳實皂角仁潤之大抵治病必究其源不可一槩用巴豆牽牛之類下之損其津液燥結愈甚復下復結極則以至導引於下而不通遂成不救噫可不慎哉

通幽湯

治大便難幽門不通上衝吸門不開噎塞不便燥秘氣不得下治在幽門以辛潤之

炙甘草

紅花各一分

生地黄

熟地黄

各五分

升麻

桃仁泥

當歸身

各一錢

右都作一服水二大盞煎至一盞去粗調檳榔細末五分稍熱食前服之

潤燥湯

升麻

生地黄各二錢 熟地黄

當歸梢

生甘草

大黃煨

桃仁泥

麻仁各一錢

紅花五分

右除桃仁麻仁另研如泥外剉如麻豆大都作一
服水二盞入桃仁麻仁泥煎至一盞去粗空心稍
熱服

潤腸丸

治脾胃中伏火大便秘澀或乾燥閉塞不通全不
思食及風結血秘皆令閉塞也以潤燥和血疎風
自然通利矣

桃仁湯浸去皮尖麻仁已上各一兩當歸稍

大黃煨羌活已上各五錢

右除桃仁麻仁另研如泥外搗為極細末煉蜜為
丸如梧桐子大每服三五丸空心白湯下

○如病人不大便為大便不通而澀其邪盛者急加
酒洗大黃以利之

○如血燥而大便燥乾者加桃仁酒洗大黃

○如風結燥大便不行者加麻仁大黃

○如風濕而大便不行加煨皂角仁大黃秦艽以利
之

○如麻澀覺身有氣澀而大便不通者加郁李仁大
黃以除氣燥

○如寒陰之病為寒結閉而大便不通者以局方中
半硫丸或加煎附子乾薑湯冰冷與之其病雖陰
寒之證當服陽藥補之若大便不通者亦當早服

中與一服藥微通其大便不令結閉乃治之大法
○若病人雖是陰證或是陰寒之證其病顯燥脈實
堅亦宜於陽藥中少加苦寒之藥以去熱躁躁之
勿加

○如陰躁欲坐井中者其二腎脈按之必虛或沉細
而遲此易為辯耳知有客邪之病亦當從權加藥
以去之

麻黃白木湯

治大便不通五日一過小便黃赤渾身腫面上及
腹尤甚其色黃麻木身重如山沉困無力四肢痿
軟不能舉動喘促唾清水吐噦痰唾白沫如膠時
躁熱發欲去衣須臾而過振寒項額有時如冰額
寒尤甚頭旋眼黑目中溜火冷淚鼻不聞香臭少
腹急痛當臍有動氣按之堅硬而痛

青皮去腐

酒黃連已上各一分

酒黃蘗

橘紅

甘草炙一半

升麻已上各二分

黃芪

人參

桂枝

白朮

厚朴

柴胡

蒼朮

褚苓已上各三分

吳茱萸

白茯苓

澤瀉已上各四分

白豆蔻

炒麴已上各五分

麻黃不去節五錢

杏仁四箇

右咬咀分作二服水二大盞半先煎麻黃令沸去

沫再入諸藥同煎至一盞去粗梢熟食遠服
此證宿有風濕熱伏於榮血之中其木火乘於陽道
為上盛元氣短少上喘為陰火傷其氣四肢痿在
腎水之間乃所勝之病今正遇冬寒得時乘其肝
木又實其母肺金尅火凌木是大勝必有大復其
證善惡火多嚏鼻中如有物不聞香臭目視眈眈
多悲健忘小腹急痛通身黃腹大脹面目腫尤甚
食不下痰唾涕有血目皆瘍大便不通並宜此藥
治之

升陽湯一名升陽瀉濕湯

治腸咽不通逆氣裏急大便不行

青皮

槐子已上各二分

生地黄

熟地黄

黃蘗已上各三分

當歸身

甘草梢已上各四分

蒼朮五分

黃芪一錢

桃仁十箇另研

右吹咀如麻豆大都作一服入桃仁泥水二大盞

煎至一盞去粗梢熟食前服

活血潤燥丸

治大便風秘血秘常常燥結

當歸梢一錢

防風一錢

大黃濕紙裹煨

羌活已上各一兩

皂角仁燒存性去皮一兩五分其性

桃仁二兩研如泥

麻仁二兩五分研如泥

右除麻仁桃仁另研如泥外為極細末煉蜜為丸
如梧桐子大每服五十丸白湯下三兩服後須以
蘇麻子粥每日早晚食之大便日久不能結燥也
以磁器盛之紙封無令見風

潤腸湯

治大腸結燥不通

生地黄

生甘草已各一錢 大黃煨

熟地黄

當歸稍 升麻

桃仁

麻仁已上各一錢 紅花三分

右咬咀水二盞煎至一盞去粗食遠溫服

小便淋閉門

小便淋閉論

難經云病有關有格關則不得小便又云關無出之
曲皆邪熱為病也分在氣在血而治之以渴與不渴
而辨之如渴而小便不利者是熱在上焦肺之分故
渴而小便不利也夫小便者是足太陽膀胱經所主
也長生於申申者西方金也肺合生水若肺中有熱
不能生水是絕其水之源經云虛則補其母宜清肺
而滋其化源也故當從肺之分助其秋令水自生焉
又如雨如露如霜皆從天而降下也乃陽中之陰明
秋氣自天而降下也且藥有氣之薄者乃陽中之陰
是感秋清肅殺之氣而生可以補肺之不足淡味滲

泄之藥是也茯苓澤瀉琥珀燈心通草車前子木通瞿麥扁蓄之類以清肺之氣泄其火資水之上源也如不渴而小便不通者熱在下焦血分故不渴而大燥小便不通也熱閉於下焦者腎也膀胱也乃陰中之陰陰受熱邪閉塞其流易上老云寒在膻中遏絕不入熱在下焦填塞不便須用感北方寒水之化氣味俱陰之藥以除其熱世其閉塞內經云無陽則陰無以生無陰則陽無以化若服淡滲之藥其性乃陽中之陰非純陽之劑陽無以化何能補重陰之不足也須用感地之水運而生太苦之味感天之寒藥而生大寒之氣此氣味俱陰乃陰中之陰也大寒之氣入稟之生膀胱寒水之運入感之生腎此藥能補腎與膀胱受陽中之陽熱火之邪而閉其下焦使小便不通也夫用大苦寒之藥治法當寒因熱用又云必伏其所主而先其所因其始則氣同其終則氣異也

通關丸一名泄腎丸
治不渴而小便閉熱在下焦血分也

黃蘗去皮剉 知母剉酒洗焙乾 肉桂五分

右為細末熟水為丸如梧桐子大每服一百丸空心白湯下頗兩足令藥易下行故也如小便利前陰中如刀刺痛當有惡物下為驗

清肺飲子

東垣秘傳

卷八

七

一

治渴而小便閉澀不利邪熱在上焦氣分

燈心一分 通草二分 澤瀉

瞿麥 琥珀已上各五分 扁蓄

木通已上各七分 車前子炒二錢 茯苓去皮二錢

猪苓去皮三錢

右為麤末每服五錢水一盞半煎至一盞稍熱食

遠服或局方八正散五苓散亦宜服之

導氣除燥湯

治小便閉塞不通乃血澀至氣不通而致澀也

茯苓去皮 滑石炒黃已上各二錢 知母細剉酒洗

澤瀉已上各三錢 黃蘗去皮酒洗

右以咀每服五錢水三盞煎至一盞去粗和熱空

心服

○如急閉不拘時服

腎疸湯

治腎疸目黃甚至渾身黃小便赤澀

羌活 防風 藁本

獨活 柴胡已上各五錢 升麻五錢

已上治腎疸目黃渾身黃

白茯苓二分 澤瀉三分 猪苓四分

白朮五分 蒼朮一錢

已上治小便赤澀

黃蘗二分

人參三分

葛根五分

神麴六分

甘草三錢

右剉如大豆大分作二服水三盞煎至一盞去粗
稍熟食前服

痔漏門

痔漏論

內經曰因而飽食筋脈橫解腸辟為痔夫大腸庚也
主津本性燥清肅殺之氣本位主收其所司行津以
從足陽明旺則生化萬物者也足陽明為中州之土
若陽衰亦殞殺萬物故曰萬物生於土而歸於土者
是也以手陽明大腸司其化焉既在西方本位為之

害蜚司殺之府因飽食行房忍泄前陰之氣歸於大
腸木乘火勢而侮燥金故火就燥也大便秘閉其疾
甚者當以苦寒瀉火以辛溫血潤燥以桃仁潤血以皂
角仁除風燥以地榆破血以枳實之苦寒補腎以下
泄胃實以澤瀉之淡滲使氣歸於前陰以補清燥受
胃之濕邪也白木之苦甘以苦補燥氣之不足其甘
味以瀉火而益元氣也故曰甘寒瀉火乃假枳實之
寒也古人用藥為下焦如瀆文曰在下者引而竭之
多為大便秘澀以大黃推去之其津血益不足以當
歸和血及油潤之劑大便自然軟利矣宜作剉湯以

東垣

卷下

九

痔漏論

與之是下焦有熱以急治之之法也以地榆惡人而壞胃故宿食消盡空心作丸服之

秦茺白木丸

治痔疾并痔漏有膿血大便燥硬而作疼痛不可忍

秦茺去芦

桃仁湯浸去皮尖

皂角仁燒存性已上各一兩

當歸梢酒浸

澤瀉

枳實麩炒黃

白木

以上各五錢

地榆

三錢

右為細末和桃仁泥研勻煎熟湯打麩糊為丸如雞頭仁大令藥光滑焙乾每服五七十九丸白湯下空心服少時以美饌壓之忌生冷硬物冷水冷菜之類并濕麪酒及辣辛熱大料物之類犯之則藥無驗也

秦茺蒼木湯

治痔疾若破謂之痔漏大便秘澀必作大瘡此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣而合故大腸頭成塊者濕也作大痛者風也若大便燥結者主病兼受火邪熱結不通也去此四者其西方肺主諸氣其體收下亦助病為邪酒當破氣藥兼之治法全矣以剉湯與之其効如神

東垣必效

卷下

二海月

秦艽去芦

桃仁湯浸去

皂角仁燒存性另

蒼朮製

防風七上各

黃蘗洗去皮酒

當歸梢酒洗

澤瀉三上各

梭身檳榔另研

大黃少許雖大便過

右除檳榔桃仁皂角仁三味外餘藥吹咀如麻豆

大都作一服水三盞煎至一盞二分去粗入檳榔

等三味末再上火煎至一盞空心熱服待少時以

美饍壓之不犯胃氣也服藥日忌生冷硬物及酒

濕麵大料物乾薑之類犯之則其藥無効

○如有白膿加白葵花頭五朵去萼心青皮半錢不

去白入正藥中同煎木香三分為細末同檳榔等

三味依前煎服餌吉人治此疾多以歲月除之此

藥一服則愈

七聖丸

治大腸疼痛不可忍叔和云積氣生於脾臟傍大

腸疼痛陣難當漸次稍瀉三焦火莫謾多方立紀

羌活二兩

郁李仁湯浸去皮另研二兩五錢

大黃八錢煨

檳榔

桂去皮

木香

川芎已上各五錢

右除郁李仁另研入外共為細末煉蜜為丸如梧

桐子大每服三五丸白湯下食前取大便微利

一服而愈切禁不得多利大便其痛滋甚

秦光防風湯

治痔漏每日大便時發疼痛如無疼痛者非痔漏也此藥主之

秦光

防風

當歸身

白木已上各一錢五分

炙甘草

澤瀉已上各六分

黃蘗五分

大黃煨

橘皮已上各三分

柴胡

升麻已上各二分

桃仁三十箇

紅花少許

右剉如麻豆大都作一服水三盞煎至一盞去粗稍執空心服之避風寒忌房事酒濕麪大辛熱物

秦光羌活湯

治痔漏成塊下垂不任其瘻

羌活一錢二分

秦光

黃芪已上各一錢

防風七分

升麻

炙甘草

麻黃

柴胡已上各五分 藜蘆本二分

細辛少許

紅花少許

右剉如麻豆大都作一服水二盞煎至一盞去粗空心服之忌風寒處大小便

當歸郁李仁湯

治痔漏大便硬努出大腸頭下血苦痛不能忍

郁李仁

皂角仁已上各一錢 枳實七分

秦艽

麻仁

當歸稍

生地黄

蒼朮

大黃

澤瀉已上各三分

白朮

芍藥

右剉如麻豆大除皂角仁別為末水三盞煎至一盞去粗入皂角仁末調空心食前服之忌如前

紅花桃仁湯

治痔漏經年因而飽食筋脉橫解腸癖為痔治法

當補北方瀉中央

黃蘗一錢五分

生地黄一錢

澤瀉八分

蒼朮六分

當歸稍

漢防已

防風稍

楮苓已上各五分

麻黃二分

紅花半分

桃仁十箇

右剉如麻豆大水三盞煎至一盞去粗稍熱食前

服之忌如前

秦艽當歸湯

治痔漏大便結燥疼痛

大黃煨四錢

秦艽

枳實已上各一錢

澤瀉

當歸稍

皂角仁

白朮已上各五分

紅花少許

桃仁二十箇

右都作一服水三盞煎至一盞去粗食前熱服忌

如前

陰痿陰汗門

更宜

卷

海

陰痿陰汗及臊臭論

一富者前陰臊臭又因連日飲酒腹中不和求先師治之曰夫前陰者足厥陰肝之脉絡循陰器出其挺末凡臭者心之所主散入五方為五臭入肝為臊此其一也當於肝經中瀉行間是治其本後於心經中瀉少衝乃治其標如惡針當用藥除之酒者氣味俱陽能生重裏之濕熱是風濕熱合於下焦為邪故經云下焦如瀆又云在下者引而竭之酒是濕熱之水亦宜決前陰以去之

龍膽瀉肝湯

治陰部時復熱痒及臊臭

柴胡稍

澤瀉已上各一錢

車前子

木通已上各五分

生地黃

當歸稍

草龍膽已上各三分

右剉如麻豆大都作一服水三盞煎至一盞去粗空心稍熱服便以美饅壓之此藥柴胡入肝為引用澤瀉車前子木通淡滲之味利小便亦除臊氣是名在下者引而竭之生地黃草龍膽之苦寒瀉酒濕熱更兼車前子之類以撤肝中邪氣肝主血用當歸以滋肝中血不足也

清震湯

治小便溺黃臊臭淋瀝兩丸如冰陰汗浸多

東垣必錄

卷六

十四

五子清震湯

羌活

酒黃蘗已上各一錢

升麻

柴胡

蒼朮

黃芩已上各五分

澤瀉四分

麻黃根

猪苓

防風已上各三分炙甘草

當歸身

藁本已上各二分紅花一分

右剉如麻豆大都作一服水二盞煎至一盞去粗

臨卧服大忌酒濕麵

固真湯一名正元湯

治兩丸冷前陰痿弱陰汗如水小便後有餘滴尻
臀并前陰冷惡寒而喜熱膝下亦冷

升麻

羌活

柴胡已上各一錢

炙甘草

草龍膽

澤瀉已上各一錢五分

黃蘗

知母已上各二錢

右剉如麻豆大分作二服水二盞煎至一盞去粗
空心稍熱服以早飯壓之

清魂湯一名柴胡勝濕湯

治兩外腎冷兩髀陰汗前陰痿弱寒濕痺脹氣

柴胡

生甘草

酒黃蘗已上各二錢

升麻

澤瀉已上各一錢五分

當歸稍

羌活

麻黃根

漢防已

草龍膽

茯苓已上各一錢

紅花少許

五味子二錢

右劉如麻豆大分作二服水二盞煎至一盞去粗
食前稍熱服忌酒濕麪房事

椒粉散

治前陰兩丸濕痒痛秋久甚夏月減

肉桂二分 小椒 當歸稍

猪苓已上各三分 蛇床子 黑狗脊五分

麻黃根一錢 輕粉少許 紅化少許

斑猫二枚

右為末乾糝上避風寒冷濕處坐卧

補肝湯

治前陰水冷并陰汗兩脚痿弱無力

黃芪七分 炙甘草五分 升麻

猪苓已上各四分 白茯苓 葛根

人參已上各三分 柴胡 羌活

陳皮 連翹 當歸身

黃蘗炒 澤瀉 蒼朮

麴末 知母 防風已上各二分

右劉如麻豆大都作一服水二大盞煎至一盞去

粗空心稍熱服忌酒濕麪

温腎湯

治面色痿黃身黃脚痿弱無力陰汗

柴胡 麻黃根已上各 白茯苓

東垣心法 卷之六 每有等量

白木

酒黃蘗

猪苓

升麻已上各二錢蒼朮

防風鉉諸

澤瀉二錢

右分作二服每服水二大盞煎至一盞去粗食前
稍熱服一時辰許方食

延胡丁香丸一名丁香煎氣丸

治臍下撮急疼痛并周身皆急痛小便頻數及五
脈急獨腎脈按之不急皆虛無力名曰腎疝

羌活三錢

當歸

茴香已上各二錢

延胡索

麻黃根節

肉桂已上各一錢

丁香

木香

甘草

川烏頭已上各五分

防己三分

蠟十三箇

右為細末酒煮麩糊為丸如雞頭大每服五十九
空心鹽白湯服

瀉痢門

訶子皮散

癸卯冬白樞判家一老僕面塵脫色神氣特弱病
脫肛日久服藥未驗復下赤白膿痢作裏急後重
白多赤少不任其苦以求其治曰此非肉食膏粱
必多蔬食或飲食不節天氣雖寒衣蓋猶薄不禁
而腸頭脫下者寒也真氣不禁形質不收乃血滑
脫也此乃寒滑氣泄不固故形質下脫也當以澀

去其脫而除其滑微酸之味固氣上收以大熱之劑而除寒補陽以補氣之藥升陽益氣

御米殼去殼 橘皮上各五分 乾薑炮 訶子煨去核七分

右為細末都作一服水二盞煎至一盞和粗空心熱服

升麻補胃湯

治宿有陽明血證因五月間大熱喫杏腸辟下血嘔遠散漫如飾腰沉沉然腹中不痛無氣紫黑病名濕毒腸辟屬陽明少陽經血證也

白芍藥錢五分 升麻 羌活

黃芪已上各一錢 生地黃 熟地黃

獨活 牡丹皮 炙甘草

柴胡 防風已上各五分 當歸身

葛根已上各三分 肉桂少許

右剉如麻豆大分作二服每服水二盞煎至一盞去粗食前稍熱服

升陽去熱和血湯

治腸辟下血另作一派其血啣出有力而遠射四散如篩春中血下行腹中大作痛乃陽明氣衝熱毒所作也當升陽去濕熱和血脈是其治也

橘皮二分 熟地黃 當歸身

蒼朮

秦光

肉桂已上各三分

生地黄

牡丹皮

生甘草已上各五分

升麻七分

熟甘草

黃芪已上各一錢

白芍藥一錢五分

右咬咀都作一服水四盞煎至一盞去粗空心稍

熱服立効

益智和中湯

治腸癖下血或血色紫黑腹中痛腹皮惡寒右手關脉弦按之無力而喜熱物慰之內寒明矣

肉桂一分

桂枝四分

牡丹皮

柴胡

葛根

益智仁

半夏已上各五分

當歸身

炙甘草

黃芪

升麻已上各一錢

白芍藥一錢五分

乾薑少許

右為麤末都作一服水三盞煎至一盞去粗食後溫服

芍藥藥皮丸

治濕熱惡痢血痢頻併窘痛無問膿血並皆治之

芍藥

黃蘗已上各一兩 當歸

黃連已上各五錢

右為末飯為丸如雞頭大每服五七十九食前米飲湯下忌油膩酒濕麪等物

和中益胃湯

治太陰陽明腹痛大便常泄若不泄即秘而難見
在後傳作濕熱毒下鮮紅血腹中微痛脇下急痛
脉緩而洪弦中之下得之按之空虛

蘇木一分

藁本

益智仁已上各二分

熟地黄

炙甘草已上各三分 當歸身四分

柴胡

升麻已上各五分

右咬咀都作一服水二盞煎至一盞去粗渣心溫服

槐花散

治腸癖下血濕毒下血

川芎四分

槐花

陳皮

荆芥穗

熟地黄

白木已上各六分

當歸身

升麻已上各一錢

右為細末每服二錢米飲湯調下食前忌酒濕麪

生冷硬物

茯苓湯

治因傷冷飯水泄一夜走十行變作白痢次日其
痢赤白腹中疝痛減食熱躁四肢沉困無力

生黃芩三分

當歸身四分

肉桂

炙甘草已上各五分

猪苓

茯苓已上各六分

澤瀉一錢

芍藥一錢五分

蒼朮

生薑

升麻

柴胡已上各二錢

東垣必效

卷之八

二

右吹咀如麻豆大分作二服每服水二盞煎至一盞去粗稍熱食前服之

黃芪補腎湯

治一日大便三四次澹而不多有時作泄腹中鳴小便黃

黃芪

柴胡

當歸身

益智

橘皮

升麻六分

炙甘草二錢

紅花少許

右吹咀都作一服水二盞煎至一盞去粗稍熱食前服之

升陽除濕湯

自下而上者引而去之

蒼木一錢

柴胡

羌活

防風

升麻

神麴

澤瀉

猪苓已上各五分

炙甘草

陳皮

麥蘖麵已上各三分

右都作一服水二盞煎至一盞去粗空心服之
○如胃寒腸鳴加益智仁半夏各五生薑三片棗一
枚同煎非腸鳴不得用

人參益胃湯

治頭悶勞動則微痛不喜飲食四肢怠惰躁熱短
氣口不知味腹鳴大便微澹身體昏悶覺渴不喜

冷物

黃芪

甘草

當歸稍

益智仁各二分人參

黃芩

柴胡

半夏

白木已上各三分

陳皮

升麻已上各五分蒼木一錢五分

紅花少許

右都作一服水二盞煎至一盞去粗稍熱食前服之

升麻補胃湯

治因內傷服牽牛大黃食藥泄瀉過多腹中大痛

甘草七分

升麻

柴胡

草豆蔻

黃芪已上各五分半夏三分

當歸身

乾薑已上各二分紅花少許

右都作一服水二盞煎至一盞去粗稍熱食遠服之

瘡瘍門

散腫潰堅湯

治馬刀瘡結硬如石或在耳下至缺盆中或肩上或於脇下皆手足少陽經中及瘰癧遍於頰或至頰車堅而不潰在足陽明經中所出或二證瘡已破流膿水並皆治之

黃芩

八錢酒洗炒四分首龍膽

酒洗炒四分瓜蒌根

東垣必書

每用酒洗

黃蘗 酒製

酒知母

桔梗

昆布 呈各五錢

柴胡 四錢

炙甘草

京三稜 酒元

廣茂 酒炒

連翹 已上各三錢

葛根

白芍藥

當歸稍

黃連 已上各二錢

升麻 六分

右以咀每服六錢水二盞零八分先浸多半日煎至一盞去粗食後熱服於卧處伸足在高處頭低垂每含一口作十次嚥服畢依常安卧取藥在膈上停蓄故也另攢半料作細末煉蜜為丸如菘豆大每服百餘丸用此藥湯留一口送下或加海藻五錢炒亦妙

升陽調經湯

治瘰癧遠頸或至頰車此皆出足陽明胃經中來若瘡深遠隱曲肉底是足少陰腎經中來乃戊脾傳於癸腎是夫傳與妻俱作塊子堅硬大小不等並皆治之或作丸亦可

升麻 八錢

葛根

草龍膽 酒製

黃芩 酒製

廣茂 酒洗炒

京三稜 酒洗炒

炙甘草

黃連 酒洗

連翹

桔梗 已上各五錢

生黃芩 四錢

當歸稍

芍藥 已上各三錢

黃蘗 酒炒二錢

知母 酒洗炒一兩

右另秤一半作末煉蜜為丸如菘豆大每服百餘

丸一半作咬咀每服五錢若能食大便硬可旋加
至七八錢水二盞先浸半日煎至一盞去粗臨卧
熱服足高去枕仰卧噉一口作十次嚥之留一口
在後送下丸藥服畢其卧如常

連翹散堅湯

治耳下或至缺盆或肩上生瘡堅硬如石動之無
根名曰馬刀從手足少陽經中來也或生兩脇或
已流膿作瘡未破並皆治之

柴胡一兩二錢 草龍膽酒洗四次 土瓜根酒製已上各一兩

黃芩酒炒三次七錢 當歸稍 生黃芩

廣茂 京三稜同廣茂酒炒 連翹

芍藥已上各五錢 炙甘草三錢 黃連酒炒三次

蒼朮已上各二錢

右另秤一半為細末煉蜜為丸如菽豆大每服百
餘丸一半咬咀每服五錢水二盞先浸多半日煎
至一盞去粗臨卧熱服去枕仰卧每口作十次嚥
之留一口送下丸藥服畢卧如常更以後藥塗之

龍泉散

龍泉粉炒 瓦粉 廣茂

京三稜酒洗炒 昆布已上各五錢

右同為細末煎熟水調塗之用此藥去疾尤速

救苦化堅湯

東垣秘傳 卷之四 疔毒

治療癰馬刀挾瘰從耳下或耳後下頸至肩上或入缺盆中乃手足少陽之經分其瘰癧在頰下或至頰車乃足陽明之經分受心脾之邪而作也今將二證合而治之

黃芪一錢

護皮毛間腠理虛及活血脉生血亦瘡家聖藥也又能補表實元氣之弱也

人參三分

補肺氣之藥也如氣短不調及喘者加之

炙甘草五分

能調中和諸逆瀉火益胃氣亦能去瘡邪

真漏蘆

升麻已上各一錢 高根五分

此二味俱足陽明本經藥也

連翹一錢

此一味十二經瘡中之藥不可無也能散諸血結氣聚此瘡家之神藥也

牡丹皮三分

去腸胃中留滯宿血

當歸身

生地黃

熟地黃已上各三分

此三味諸經中和血生血涼血藥也

白芍藥三分

如夏月倍之其味酸其氣寒能補中益肺之

虛弱治腹中痛必用之冬寒則不可用

肉桂二分

大辛熱能散結積陰證瘡瘍瀉當少用之此寒因熱用之意又為寒陰覆蓋其瘡用大辛熱以消浮涼之氣如有煩燥者去之

柴胡八分

功同連翹如瘡不在少陽經則去之

黍粘子三分

無腫不用

羌活一錢

獨活

防風已上各五分

此三味必關手足太陽證脊痛項強不可迴

視腰似折項似拔者是也其防風一味辛溫若瘡在膈已上雖無手足太陽經證亦當用之為能散結去上部風邪病人身拘急者風也

昆布二分

其味大鹹若瘡堅硬結硬者宜用鹹能軟堅

京三稜煨二分

廣茂煨三分

此二味若瘡堅硬甚者用之如不堅硬勿用

益智仁二分

如唾多者胃不和也或病人吐沫吐食胃上寒者加之無則去之

大麥蘖麩一錢

治腹中縮急蒸能消食補胃

神麴末炒黃色二分

為食不消化故也

黃連黃連三分

以治煩悶

黃蘗炒一分

如有熱或腿脚無力加如有燥煩欲去衣者

腎中伏火也更宜加之無此證勿用

厚朴一錢二分薑製

如腹脹者加之無則勿用

右為細末湯浸餅和丸捻作餅子日乾搗如米

粒大每服三錢白湯下

○如氣不順加橘皮甚者加木香少許量病人虛實

臨時斟酌與之無令藥多妨其飲食此治之大法

也

○如止在陽明分為瘰癧者去柴胡黍粘子二味餘

皆用之

○如在少陽分為馬刀挾瘰者去獨活漏蘆升麻葛

根更加瞿麥穗三分

○如本人素氣弱其病勢來時氣成無而不短促者不

可考其平素宜作氣盛而從病變之權也宜加黃

芩黃連黃蘗知母防已之類視邪氣在上中下三

處

○假令在上焦加黃芩一錢在中焦加黃連二錢

在下焦則加酒製黃蘗知母防己之類選而用之

○如本人大便不通而滋其邪盛者加酒製大黃以

利

○如血燥而大便燥乾者加桃仁酒製大黃二味

○如風結燥不行者加麻仁大黃

○如風澀而大便不行加煨皂角仁大黃秦朮以利

之

○如脉澀覺身有氣澀而大便不通者加郁李仁大

黃以除氣燥也

○如陰寒之病為寒結閉而大便不通以局方中半

硫在或加煎附子乾薑冰冷與之大抵用藥之法

不惟瘡瘍一說諸疾病量人素氣弱者當去苦寒

之藥多加人參黃芪甘草之類瀉火而先補其元

氣餘皆倣此

柴胡連翹湯

治男子婦人馬刀瘡

中桂三分 當歸稍一錢五分 黍粘子二錢

炙甘草 酒黃蘗 生地黄已上各三錢

柴胡 黃芩炒 酒知母

連翹已上各伍錢 瞿麥穗六錢

東垣必錄

右劉如麻豆大每服五錢水二大盞煎至一盞去
相稍熱食後服之
黍粘子湯

治耳痛生瘡

昆布 蘇木 生甘草

蒲黃 草龍膽已上各一分 黍粘子

連翹 生地黃 當歸稍

黃芩 炙甘草 黃連已上各三分

柴胡 黃芪已上各三分 桔梗三錢

桃仁三箇 紅花少許

右劉如麻豆大都作一服水二盞煎至一盞去粗

稍熱食後服忌寒藥利大便

淨液湯一名連翹防風湯

治皮膚痒腋下瘡背上瘡耳聾耳鳴

桂枝二分 連翹 生地黃

桔梗 升麻 甘草已上各五分

當歸稍七分 麻黃 草豆蔻仁

羌活 防風 柴胡

蒼木已上各一錢 酒黃芩二錢 紅花少許

右劉如麻豆大都作一服水二盞煎至一盞去粗

食後熱服

消腫湯

治馬刀瘡

黍粘子炒

黃連已上各五分當歸稍

甘草已上各二錢瓜蒌根

黃芪已上各一錢五分

生黃芪

柴胡已上各二錢

連翹三錢

紅花少許

右咬咀每服五錢水二盞煎至一盞去粗稍熟食

後服忌酒濕麵

內耗羌活散

治足太陽經中左右尺脉俱緊按之無力尻臀生

癰堅硬腫痛大作

肉桂三分

連翹

炙甘草

蒼朮

橘皮已上各五分當歸稍

防風

藁本已上各一錢黃芪一錢五分

黃蘗酒製

羌活已上各二錢

右咬咀都作一服水二盞酒一盞煎至一盞去粗

稍執空心服以夾衣蓋攤上使藥力行罷去蓋之

衣

升麻托裏湯

治婦人兩乳間出黑頭瘡瘡頂陷下作黑眼子其

脉弦洪按之細小

黃蘗二分

肉桂三分

黍粘子五分

黃芪

炙甘草

當歸身已上各一錢

東垣必錄

不卷下

三十一 每兩書

連翹

升麻

葛根

上各一錢五分

右咬咀搗作一服水一大盞酒半盞同煎至一盞去粗稍熱食後服

內托黃芪湯

賈德茂小男於左大腿近膝股內出附骨癰不辯肉色漫腫皮澤木硬瘡勢甚大其左脚乃肝之髀土也更在足厥陰肝經之分少慢足太陰脾經之分其脉左二部細而弦按之洪緩微有力此藥主之

生地黄一分

黃蘗二分

肉桂三分

羌活五分

當歸梢二分半

土瓜根酒製

柴胡梢

已上各一錢連翹一錢三分

黃芪二錢

右咬咀都作一服酒一盞水二盞煎至一盞去粗空心熱服

柴胡通經湯

治小兒項側有瘡堅而不潰名曰馬刀瘡

柴胡

連翹

當歸梢

生甘草

黃芩

黍粘子

京三稜

桔梗

已上各二分黃連五分

紅花少許

右剉如麻豆大都作一服水二大盞煎至一盞去粗稍熱食後服忌苦寒瀉大便

東垣必錄

卷一

三十一 每用書是

白芷升麻湯

尹老家素貧寒形志皆苦於手陽明大腸經分出
癱幼小有癩疝其臂外皆腫痛在陽明左右寸脉
皆短中得之俱弦按之洪緩有力此癱得自八風
之變以脉斷之邪氣在表其證大小便如故飲食
如常腹中和口知味知不在裏也不惡風寒正熱
燥脉不浮知不在表也表裏既和邪氣在經脉之
中內經云疑於經絡為瘡癰其癰出身半已上故
風從上受之故知是八風之變為瘡者也故治其
穴邪調其經脉中血氣使無凝滯而已
炙甘草一分 升麻 桔梗已各五分

白芷七分

當歸稍

生地黄已各一分

生黃芩一錢五分 酒黃芩

連翹

黃芪已上各二錢 中桂少許

紅花少許

右咬咀分作二服酒水各一大盞半同煎至一盞
去粗稍熱臨卧服一服而愈

保生救苦散

治火燒或熱油烙及脫肌肉者

生寒水石

大黃火煨

黃蘗油烙已上

右為細末用油調塗之或乾用此藥塗之其痛立
止日近完復永無破傷風之患

一上散

東垣公

卷下

三十一

治諸般疥癬必效

雄黃通明手

黑狗脊

蛇牀子炒

熟硫黃已上各五錢

寒水石六錢

斑猫十三箇去翅足先研碎

右另研雄黃硫黃寒水石如粉次入斑猫和蛇牀子黑狗脊為細末同研勻先洗疥癬令湯透去加油調手中擦熱以鼻中嗅三兩次擦上可一上即愈

○如痛甚及腫滿高起者加寒水石一倍

○如不苦瘡只加黑狗脊

○如微瘡只加蛇牀子

○如瘡中有蟲加雄黃

○如喜灸湯浴者加硫黃

聖愈湯

治諸惡瘡血出多而心煩不安不得睡眠亡血故也以此藥主之

生地黃

熟地黃

川芎

人參已上各三分當歸身

黃芪已上各五分

右咬咀如麻豆大都作一服水二大盞煎至一盞去粗稍熱無時服

獨聖散

治湯湯破火燒破瘡毒疼痛

生白礬

東垣必效

卷之二

三十一

右為細末芝麻油調掃瘡破處不拘時候
黃芪肉桂柴胡酒煎湯

治附骨癰堅硬漫腫不辨肉色行步作痛按之大痛

黃芪

當歸稍已上各二錢

柴胡一錢五分

黍粘子炒

連翹

肉桂已上各一錢

升麻未分

炙甘草

黃蘗已上各五分

右咬咀好糯酒一大盞半水一大盞半同煎至一大盞去粗空心溫服少時便以早飯厭之不致大熱上攻中上二焦也

雜病門

安神丸

治心神煩亂怔忡兀兀欲吐胃中氣亂而熱有似懊懷之狀皆膈上血中伏火蒸蒸然不安宜用權衡法以鎮陰火之浮行以養上焦之元氣經云熱淫所勝治以甘寒以苦瀉之以黃連之苦寒去心煩除濕熱為君以甘草生地黃之甘寒瀉火補氣滋生陰血為臣以當歸補血不足以硃砂納浮溜之火而安神明也

黃連

一錢五分酒洗硃砂麝米泔

酒生地黃

酒當歸身

炙甘草已上各五分

右件除硃砂水飛外搗四味為細末同和勻湯浸

証餅為丸如黍米大每服十五丸津唾嚥下食後
硃砂安神丸

治心煩懊懷心亂怔忡上熱胃中氣亂心下痞悶
食入反出

硃砂四錢 黃連五錢 生甘草二錢五分

右為末湯浸証餅為丸如黍米大每服十五丸食後
津唾嚥下

補氣湯

治皮膚間有麻木乃肝氣不行故也

白芍藥 橘皮不去白已上各一兩五錢 炙甘草

黃芪已各一兩 澤瀉五錢

右咬咀每服一兩水二盞煎至一盞去粗溫服

當歸補血湯

治婦人肌熱燥熱目赤面紅煩渴引飲晝夜不白

其脉洪大而虛重按全無內經曰脉虛血虛脉實

血實又云血虛發熱證象白虎惟脉不長實為辯

也若誤服白虎湯必死此病得之於肌困勞役

黃芪二兩 當歸身二錢酒製

右咬咀都作一服水二盞煎至一盞去粗稍熱空

心服

柴胡升麻湯

治男子婦人四肢發熱肌熱筋骨熱表熱如火燎

東垣必載

卷下

三三一

以手捫之烙人夫熱四肢者屬脾土也熱伏地中
此病多因血虛而得之又有胃虛過食冷物鬱遏
陽氣於脾土之中此藥主之

升麻

葛根

獨活

羌活

白芍藥

人參已上各伍錢

炙甘草

柴胡已上各三錢 防風二錢五分

生甘草一錢

右咬咀每服五錢水二大盞煎至一盞去粗熱服
忌寒冷之物

火鬱湯

治五心煩熱是火鬱於地中四肢者脾土也心火

下陷於脾土之中鬱而不得伸故經云火鬱則發之

升麻

葛根

柴胡

白芍藥已上各一兩

防風

甘草已上各五錢

右咬咀每服五錢水二大盞入連翹葱白三寸煎
至一盞去粗稍熱不拘時候服

小黃丸

化痰涎和胃氣除濕治胃中不利

黃芩一兩

半夏湯浸去水

白朮已上各五錢

陳皮

青皮去白

黃芪已上各三錢

澤瀉二錢

乾薑二錢五分

右為末湯浸餅為丸如棗豆大每服五十九丸

東垣必效

卷下

三六一

遠溫水下

黃芩利膈丸

除胃中熱利膈上痰

生黃芩

炒黃芩已上各二兩半夏

黃連

澤瀉已上各五錢南星

枳殼

陳皮已上各三錢白朮二錢

白礬五分

右為末湯浸餛飩為丸如梧桐子大每服三五十九倉遠溫水下忌酒濕麪

補益腎肝丸

治目中流火視物昏花耳聾耳鳴困倦乏力寢汗

惡風行步不正兩足欹側卧而多驚脚膝無力腰以下消瘦

柴胡

羌活

生地黃

苦參炒

防已炒已上各五分附子

肉桂已上各一錢

當歸身三錢

右為細末熟水為丸如雞頭仁大每服五十九倉前溫水下

太陽經嚏藥

防風二分

羌活三分

紅豆二箇

右為細末鼻內噴之

麻黃茱萸湯

麻黃二分

茱萸

杏仁五箇

治胃中痛頭痛食減少咽嗝不利右寸脉弦急

麻黃

羌活已上各五分 吳茱萸

黃芪

升麻已上各三分 黃芩

當歸

黃藥已上各二分

川芎

蔓荊子 柴胡

蒼朮

黃連 半夏已上各一分

細辛少許

紅花少許

右判如麻豆大都作一服水二盞煎至一盞去粗

稍熱服食後

黃芪湯

治表虛惡風寒

黃芪五錢

甘草二錢

香白芷二錢五分

藁本

升麻已上各三錢

草豆蔻

橘皮

已上各一錢五分

麻黃

當歸身已上各一錢

蓮花青皮七分

柴胡六分

黃藥少許

右以咀每服五錢水二盞煎至一盞去粗不拘時服

服

除濕補氣湯一名清神補氣湯

治兩腿麻木沉重無力多汗喜笑口中涎下身重

如山語聲不出右寸脉洪大

升麻六錢

蒼朮四錢

酒黃藥

柴胡

黃芪已上各三錢

酒知母

原百濟散

不錄

三六一海內書堂

藁本

生甘草

當歸 已上各二錢

五味子

陳皮 配五分

右剉如麻豆大每服五錢水二盞煎至一盞去粗空心服之待少時以早飯壓之

參歸湯

補氣血俱不足

黃芪 七分

甘草

生地黄 已上各五分

柴胡

草豆蔻仁

升麻 已上各四分

當歸身 三分

熟地黄

人參 已上各二分

益智仁 少許

紅花 少許

右剉如麻豆大都作一服水二盞煎至一盞去粗

會遠服

并陽湯

治陽蹇癱疾足太陽經寒忍則氣下行宜升陽氣

炙甘草 五分

麻黃 不去節

防風 已上各八錢

羌活 一兩

右咬咀每服五錢水三盞煎至二盞去粗稍熟空心服之

自汗門

自汗論

或問濕之與汗為陰乎為陽乎曰西南坤土也在入則為脾胃也人之汗猶天地之雨也陰磁其濕則為

東垣

卷

每兩

霧露為雨也陰濕下行地之氣也汗多則亡陽陽去則陰勝也甚為寒中濕勝則音聲如從瓮中出濕若中水也相法家有說音如居深窰裏言其壅也遠也不出也以明其濕審矣又知此二者亦為陰寒也內經云氣虛則外寒雖見熱中蒸蒸為汗終傳大寒知始為熱中衰虛亡陽不任外寒終傳寒中多成痺塞矣色以候天脉以候地形者乃候地之陰陽也故以脉氣候之皆有形無形之可見者也

調衛湯

治濕勝自汗補衛氣虛弱表虛不任風寒

黃芪

麻黃根已上各一錢

羌活七分

生甘草

當歸梢

生黃芩

半夏薑製已上各五分

麥門冬

生地黄已上各三分

猪苓二分

蘇木

紅花已上各一分

五味子七箇

右剉如麻豆大都作一服水二盞前至一盞去粗稍執服

中風證必自汗不得重發其汗

清燥湯

治六月七月間濕令大行于能令母實而熱旺濕熱相合必刑庚大腸寒涼以救之燥金受濕熱之邪絕寒水生化之源源絕則腎虧痿厥之病大作

腰已下痿軟癱瘓不能動行步不正兩足欹側此藥主之

黃芪 一錢五分

橘皮

白朮

澤瀉 已上各五分

人參

白茯苓

升麻 已上各三分

炙甘草

當歸身

生地黄

神麴末

猪苓 已上各二分

柴胡

酒黃蘗

黃連

蒼朮 已上各一分

五味子 九箇

右剉如麻豆大每服五錢水二盞煎至一盞去粗空心熱服

當歸六黃湯

治盜汗之聖藥也

當歸

生地黄

熟地黄

黃蘗

黃芩

黃連 已上各等分

黃芪 加一倍

右為麩末每服五錢水二盞煎至一盞食前服小兒減半服之

紅豆散

治頭重如山此濕氣在頭也

麻黃根 炒三錢

苦丁香 五分

羌活 炒

連翹 已上各三分

紅豆 十箇

右為細末鼻內噴之

東垣心法

卷下

四十一 每服...

活血通經湯

靈壽縣善醫軍矣邪冬大雪時因事到真定忽覺
右風氣暴至言候得六脉俱弦甚按之洪實有力
其證手寧急大便秘澀面赤熱此風寒始至加於
身也四肢者脾也以風寒之邪傷之則搖急而寧
痺乃風淫末疾而寒在外也內經曰寒則筋攣正
謂此也本人素飲酒內有實熱乘於腸胃之間故
大便秘澀而面赤熱內則手足陽明受邪外則足
太陰脾經受風寒之邪用桂枝甘草以却其寒邪
而緩其氣搖又以黃藥之苦寒滑以瀉實而潤燥
急救腎水用升麻葛根以升陽氣行手足陽明之

經不令遏絕更以桂枝辛熱入手陽明之經為引
用潤燥復以芍藥甘草專補脾氣使不受風寒之
邪而退木邪專益肺金也加人參以補元氣為之
輔佐加當歸身去裏急而和血潤燥此藥主之

芍藥五分

升麻

葛根

人參

當歸梢

炙甘草 已上各錢

酒黃藥

桂枝 已上各二錢

右剉如麻豆大都作一服水二大盞煎至一盞熱
服不拘時令煖房中近火摩搓其手

瀉藥湯

治癘風滿面連頸極瘡不任眉毛脫落先砭其處

東垣必效

卷下

每用黃藥

令惡氣消盡後服此藥

連翹

升麻已上各六分 桔梗五分

生薑各

生地黄已上各四分 黃芪

蘇木

黃連 地龍

全蠍

當歸已上各三分 白豆蔻

人參

已上各二分 甘草一分半 梧桐淚一分

麝香

少許 桃仁三箇 蜜蠶去翅足 炒三箇

水蛭

三箇炒令煙盡

右剉如麻豆大除連翹梧桐淚白豆蔻另為細末麝香蜜蠶水蛭三味小同為細末都作一服水二盞酒一盞入連翹煎至一盞去粗再入白豆蔻二味

并麝香等再煎至七分稍執早晚飯後午前服之忌酒濕麵生冷硬物

人參益氣湯

治兩手指麻木四肢困倦怠惰嗜計乃熱傷元氣也

也

黃芪八錢

生甘草

人參已上各五錢

白芍藥三錢

柴胡二錢五分

炙甘草

升麻

已上各二錢 五味子一百四十箇

右咬咀分作四服每服水二盞煎至一盞去粗稍熟會遠服

導氣湯

東醫秘傳

人參

每兩...

治兩腿麻木沉重

黃芪八錢

甘草六錢

青皮四錢

升麻

柴胡

當歸梢

澤瀉

已上各二錢

橘皮一錢

紅花少許

五味子一百二十箇

右咬咀分作四服每服水二大盞煎至一盞去粗

食前熱服

補中湯

治面黃汗多目赤四肢沉重減食腹中時時痛嗽

嗽兩手寸脉短右寸脉弦細兼澀關脉虛

升麻

柴胡

當歸已上各二分

神麴三分炒

澤瀉四分

大麥藥麴

蒼朮

已上各五分

黃芪二錢五分

炙甘草八分

紅花

少許

五味子二十箇

右咬咀分作二服水二盞煎至一盞去粗食遠服

麻黃蒼朮湯

治秋冬每夜五更嗽連聲不絕乃至天曉日高方

緩口苦兩脇下痛心下痞悶卧而多驚筋攣肢節

疼痛痰唾涎沫日晚神昏呵欠不進飲食

麻黃八錢

蒼朮伍錢

黃芪一錢五分

草豆蔻六分

柴胡

羌活已上各五分

生甘草

當歸梢

防風已上各四分

炙甘草

黃芩已上各三分

五味子九箇

右咬咀分作二服水二盞煎至一盞稍熱臨卧服

上清湯

清利頭目寬快胃膈

人參

蔓荊子已上各五分

防風一錢

葛根一錢五分

黃芪三錢

甘草四錢

右咬咀分作二服水二盞煎至一盞去粗臨卧熱

服以來衣蓋覆不語須臾汗出為效

木桂湯一名麻黃蒼木湯

治寒濕所客身體沉重胃脘痛面色痿黃

蒼木二錢

麻黃

炒神麴

橘皮

白茯苓

澤瀉已上各一錢

桂枝

半夏

草豆蔻仁

猪苓

已上各五分

黃芪二分

炙甘草二分

杏仁十箇

右都作一服水二盞生薑五片煎至一盞去粗食

前熱服

正氣湯

治盜汗

炒黃蘗

炒知母已上各一錢五分

炙甘草五分

右為麩末作一服水二盞煎至一盞食前溫服

起痛丸

治打撲閃損腰痛不可忍

白蒿芒子一兩

乳香

沒藥已上各二錢

白粟米一握

烏梅一箇

右為細末煉蜜為丸如彈子大每服一丸細嚼溫酒空心下

退熱湯

治表中虛熱或遇夜則甚

黃芪一錢

柴胡七分

生甘草

黃連酒製

黃芩

芍藥

地骨皮

生地黄去血熱

蒼朮已上各五分

當歸身

升麻已上各三分

右咬咀作一服水二盞煎至一盞去粗合遠溫服
○如身體力困者加麥門冬五味子已上各五分人參甘草已上各一錢

鮮表升麻湯

治遍身壯熱骨節疼痛

升麻

羌活

蒼朮已上各一錢

防風八分

柴胡

甘草已上各七分

當歸

藁本已上各五分

橘皮三分

冬加麻黃不出節

春加麻黃去節

右咬咀作一服水二盞煎至一盞去粗溫服後以

葱醋湯發之得微汗為効

天麻黃芪湯

治表有風證因連日醉飲其證復來右口角并眼
顛有側視及左手左腳腿麻木疼痛

天麻

芍藥

神麴炒

羌活

肢節不痛去之茯苓已上各三分

人參

黃連

已上各四分

當歸五分

黃芪

甘草

升麻

葛根

黃蘗

蒼朮

已上各六分澤瀉七分

柴胡九分

右咬咀作一服水三盞煎取二盞去粗食遠溫服

或加猪苓六分

健步丸

治膝中無力伸而不得屈屈而不能伸腰背腿脚
沉重行步艱難

防己

酒洗一兩

羌活

柴胡

滑石

炒

炙甘草

瓜蒌根

酒洗已上各四錢

澤瀉

防風已上各三錢

苦參

酒洗

川烏已上各一錢

肉桂五分

右為細末酒糊為丸如梧桐子大每服七十九煎
愈風湯下空心服

白朮除濕湯

東垣必效

卷示

四口海明書

治午後發熱背惡風四肢沉困小便或多或少黃色此藥又治汗後發熱

白朮一兩

生地黄炒

地骨皮

澤瀉

知母已上各七錢

赤茯苓

人參

炙甘草

柴胡已上各五錢

右為麤末每服五錢水二盞煎至一盞去粗食遠溫服

○如小便利減茯苓澤瀉一半

○如有刺痛一料藥中加當歸身酒洗三錢

加味四君子湯

治久瘧熱多寒少不止

白朮

白茯苓

人參

甘草

柴胡

薄荷葉

黃芩已上各等分

右咬咀每服五錢水二盞生薑三片棗一枚煎至一盞去粗不拘時候服

瀉血湯

治發熱晝少而夜多太陽經中尤甚晝病則在氣夜病則在血是足太陽膀胱血中浮熱微有氣也既病人大小便如常知邪氣不在臟腑是無裏證也外無惡寒知邪氣不在表也有時而發有時而止知邪氣不在表不在裏知在經絡也夜發多而

東垣

卷下

四

一每有

書發少是邪氣下陷之深也此雜證當從熱入血室而論之

生地黄酒洗

熟地黄

蒲黃

丹參酒炒

當歸酒洗去土

漢防已酒洗炒

柴胡去芦

甘草梢炙

羌活已上各一兩

桃仁去皮三錢湯浸

右為麤末每服五錢水一盞半煎至一盞去相空

心温服

洗面藥

治面有黧點或生瘡或生瘰癧及粉刺之類并去皮膚燥癢去垢膩潤澤肌膚

皂角三斤去皮

好升麻八兩

楮實子五兩

白芨一兩細剉

甘松一錢

縮砂連皮

白丁香臘月收

三柰子已上各五分

蒸豆八合揀淨另編

糯米一升二合

右為細末用之如常

瑩肌如玉散

白丁香

白芨

白牽牛

白欬已上各一兩

白芷七錢

當歸梢

白蒺藜

升麻已上各五錢

白茯苓

楮實子已上各三錢

麻黃去節二錢

白附子

連翹已上各一錢五分

小椒一錢

東垣集 卷下 每兩書

右為細末用之如常

面油摩風膏

麻黃

升麻去黑皮

防風已上各二錢

羌活去皮

當歸身

白芨

白檀已上各一錢

右用小油半斤以銀器中熬綿包定前藥於油中熬之得所澄淨去粗入黃蠟一兩再熬之為度

小兒門

治驚論

外物驚宜鎮心以黃連安神丸若氣動所驚宜寒水石安神丸大忌防風丸治風辛溫之藥必殺人何也

辛散浮溫熱者火也能令母實助風之氣盛皆殺人也因驚而泄青色先鎮肝以硃砂之類勿用寒涼之氣大禁涼驚丸風木旺必克脾胃當先實其土後瀉其木閻孝忠編集錢氏方以益黃補土悞矣其藥有丁香辛熱助火火旺土愈虛矣青橘皮瀉肺金丁香辛熱大瀉肺與大腸脾實當瀉子令脾胃虛反更瀉子而助火重虛其土殺人無疑矣其風木吐證右關脉洪大掌中熱腹皮熱豈可以助火瀉金如寒水來乘脾土其病嘔吐腹痛瀉痢青白益黃散聖藥也令立一方先瀉火補金大補其土是為神治之法

黃芪湯

東垣秘藏

卷八

五十一

海內奇書

黃芪二錢

人參一錢

炙甘草

五分

右吹咀作一服水一大盞煎至半盞去粗愈遠服加白芍藥尤妙

此三味皆甘溫能補元氣甘能瀉火內經云熱淫于內以甘瀉之以酸收之白芍藥酸寒寒能瀉火酸味能瀉肝而大補肺金所補得金土之位大旺火虛風木何由而來尅土然後瀉風之邪夫益黃散理中丸養神丸之類皆治脾胃寒濕大盛神品之藥也若得脾胃中伏熱火勞役不足之證及服熱藥巴豆之類胃虛而成慢驚之證用之必傷人命夫慢驚風者皆由久瀉脾胃虛而生也

錢氏以羌活膏療慢驚風誤矣脾虛者由火邪乘其土位故曰從後來者為虛邪火旺能實其木木旺故來尅土當於心經中以甘溫補土之源更於脾土中瀉火以甘寒更於脾土中補金以酸涼致脾土中金旺火衰風木自虛矣損倉多進藥愈前藥是也

益黃散

治胃中風熱

黃芪二錢

陳皮去白

人參已上各一錢

芍藥七分

生甘草

熟甘草已上各五分

黃連少許

右為細末每服二錢水一盞煎至五分食前服

升陽益血湯

二月間有一小兒未滿一百日病腹脹二日大便一度瘦弱身黃色宜升陽氣滋血益血補血利大便

蠟梢二分

神麴末

升麻 已上各三分

當歸

厚朴 已上各一錢

桃仁 十箇

右都作一服水一大盞煎至半盞去粗食遠熱服

厚腸丸

治小兒失乳以食飼之未有食腸不能消化或生腹脹四肢瘦弱或痢色無常

厚朴

青皮 已上各二分

橘紅

半夏

蒼朮

人參 已上各三

枳實

麥蘖麵

神麴末 已上各五

右為極細末水煮麵糊為丸如麻子大每服二十丸溫水送下食前忌飽食

補陽湯

時初冬一小兒二歲大寒證明堂青脉額上青黑腦後青絡高起舌上白滑喉鳴而喘大便微青耳尖冷目中常常淚下仍多眵胷中不利卧而多驚無搖則寒

黃蘗

橘皮

葛根

連翹

蠟梢

炙甘草 已上各二分

升麻

黃芪

柴胡 已上各二分

當歸身

麻黃 已上各三分 吳茱萸

生地黄

地龍 已上各五分

右咬咀都作一服水一大盞半煎至六分去粗乳
食後熱服服藥之後添喜笑精神出氣和順乳食
旺

大蕪荑湯 一名梔子茯苓湯

治黃疳土色為熱為濕當小便不利令反利知黃
色為燥胃經中大熱髮黃脫落知膀胱與腎俱受
土邪乃大濕熱之證鼻下斷作瘡者上逆行榮氣

伏火也能乳者胃中有熱也寒則食不入喜食土者
胃不足也面黑色者為實為痺大便青寒褐色血
黑色熱畜血中間黃色腸中有熱治法當滋榮潤
燥除寒熱致津液

防風

黃連 已上各一分 黃蘗

炙甘草

麻黃 不去根節 羌活 已上各二分

山梔子仁

柴胡 茯苓 已上各三分

當歸 四分

大蕪荑 白朮 已上各五分

右剉如麻豆大都作一服用水一大盞半煎至六
分去粗乳前稍熱服

塌氣退黃湯

一名茯苓湯

東垣心裁

卷之

五三一海府書卷

治小兒面色萎黃腹脹食不能下

白木

柴胡

升麻

桂枝

麻黃

吳茱萸

厚朴

羌活

草豆蔻

神麴末

蒼朮

澤瀉

白茯苓

猪苓

黃蘗

橘紅已上各二分

青皮

黃連已上各五分

杏仁二箇

右都作一服水二大盞煎至一盞去粗食前溫服

中滿分消丸

枳實

黃連

厚朴已上各五分

生薑

薑黃

猪苓已上各一錢

橘皮

甘草

白木已上各一錢五分

砂仁

澤瀉

茯苓已上各三錢

半夏四錢

黃芩一兩貳錢

右為細末湯浸飯餅為丸如黍米大每服三五十

丸溫水下

消痞丸

黃連五錢

黃芩二錢

厚朴七分

薑黃五分

乾生薑

人參已上各四分

甘草三分

枳實二分

橘皮一分

右為細末湯浸飯餅為丸如黍米大每服三十九

隨乳下

癩疹論

夫癩疹始出之證必先見面燥腮赤目胞亦赤呵欠煩悶乍涼乍熱咳嗽嚏噴足稍冷多睡驚並瘡疹之證或生膿胞或生小紅瘰或生癩疹此三等不同何故俱顯上證而後乃出蓋以上諸證皆太陽寒水起於右腎之下煎熬左腎定太陽勝膀胱寒水夾脊逆流上頭下額逆手太陽丙火不得傳導逆於面上故顯是證蓋壬癸寒水尅丙丁熱火故也諸癩證皆從寒水逆流而作也醫者當知此理乃敢用藥夫胞者一名赤宮一名丹田一名命門主男子藏精施化婦人

繫胞有孕俱為生化之源非五行也非水亦非火此天地之異名也象坤土之生萬物也夫人之始生也血海始淨一日二日精勝其血則為男子三日四日五日血脈已旺精不勝血則為女子二物相搏長生先身謂之神又謂之精道釋二門言之本來面目是也其子在腹中十月之間隨母呼吸呼吸者陽氣也而生動作滋益精氣神飢則食母血渴則飲母血兒隨日長皮肉筋骨血脈形氣俱足十月降生口中尚有惡血啼聲一發隨吸而下此惡血復歸命門胞中僻於一隅伏而不發直至因內傷乳食濕熱之氣下流合於腎中二火交攻致榮氣不從逆於肉理惡血

乃發諸癩疹皆出於膀胱壬水其傷後聚肉理歸於陽明故三番癩始顯之證皆足太陽壬膀胱疔病小陽其始出皆見於面終歸於陽明肉理熱化爲膿者也二火熾甚反勝寒水遍身俱出此皆出從足太陽傳變中來也當外發寒邪使令消散內瀉二火不令交攻其中令濕氣上歸復其本位可一二服立已仍令小兒以後再無二番癩出之患此內經之法覽者詳之

消毒救苦散

治癩證悉具消化便令不出如已出稀者再不生癩

防風

羌活

麻黃根

升麻

生地黄

連翹初出者減出大者加

酒黃蘗已上各五分

當歸身

黃連已上各三分

川芎

藁本

柴胡

葛根

酒黃芩

生黃芩

蒼朮已上各二分

細辛

生甘草

白朮

陳皮

蘇木

紅花已上各一分

吳茱萸半分

右劉如麻豆大每服五錢水二六盞煎至二盞去粗稍熱空心服

○夫癩疹出者皆因內傷必出癩瘡氣逆故也大禁

牽牛巴豆食藥宜以半夏枳木大黃益智仁之類
去其青瀉止其吐若耳尖冷呵欠睡中驚噫噴眼
澀知必出毒也諸大膿泡小水癩疹癰三色皆榮
氣逆而寒復其表宜以四味升麻湯中加當歸身
連翹此定法也

○如肺成膿癰先嗽喘或氣高而喘促加人參少加
黃芩以瀉伏火而補元氣

○如心出小紅癩必先見嗑乾驚悸身熱肌肉腫膝
弦洪少加黃連

○如命門出癰疹必先骨疼身熱其疼痛不散動搖
少加生地黄又加黃蘗諸癩疹皆為陰證瘡瀕皆

因內傷飲食脾胃不足榮氣逆行雖大熱內熾陰
覆其外治法如前

辨小兒癩證

呵欠

噯噴

睡中發驚

或耳尖冷

眼澀

或辯復食

口熱

或口醋氣

妳辦不消

或腹中痛

○如癩證少具其癩未發乃與升麻湯三五錢帶熱
服之待身表溫和癩疹已顯服藥乃止
○如其身涼其癩未出辯得是癩證無問服數直候

身表溫和及癰瘡已顯然後乃止只時時與桔梗湯寬胃膈利咽喉

桔梗湯

如癰已出只時時與之快咽喉寬利胃膈

桔梗 二錢

甘草 一錢炙

右為籩末每服三錢水一大盞煎至六分去粗大溫時時服之不可計服數

○如見傷食證又見癰證先與不犯大黃巴豆藥剋化過再與升麻湯

○如合重傷前藥不能過再與犯大黃巴豆藥過

○如大便行當即便與升麻湯服之恐癰子內陷已

後臨時作非過

○如癰子已出稠密身表執急與下項

黍粘子湯

如癰子已出稠密身表執急與此藥服之防後青

乾黑陷

黍粘子 炒香

當歸身 酒洗

炙甘草 已上各一錢

柴胡

連翹

黃芪

黃芩 已上各一錢五分

地骨皮 已上各二錢

右同為籩末每服二錢水一大盞煎至六分去粗溫服腹空服藥畢日休與乳食

麻黃柴胡升麻湯

治小兒寒熱而喘喉鳴腹中鳴腹滿鼻流清涕脉
沉急而數

麻黃

草豆蔻仁

益智仁已上各一錢五分

吳茱萸

厚朴已上各二分

當歸梢

甘草

柴胡

生黃芩已上各一分

升麻

神麴

蘇木已上各半分

全蠍二箇

紅花少許

右剉如麻豆大分作二服水一大盞煎至七分食
遠服忌風寒微有汗則効

蘭室秘藏卷下終



